

ԳԵՂԱՄՍ

ՀԵՐԱՐԸ

Քաղաքական, հասարակական, մշակութային թերթ 10 հուլիսի 2025թ. թիվ 14 (618)

ԳԵՂԱՐՔՈՒՆԻՔԻ ՄԱՐԶՈՒՄ ՄԵԿՆԱՐԿԵԼ Է ԱՄԱՌԱՅԻՆ ԶՈՐԱԿՈՉԸ

2025 թվականի հունիսի 23-ին Գեղարքունիքի մարզում ամառային զորակոչի մեկնարկը տրվել է Մարտունի եւ Վարդենիս համայնքներում: Հետագա մի քանի օրերի ընթացքում Հայոց բանակ են ծանապարհվել նաեւ Սեւան, Գավառ եւ ճամբարակ համայնքների նորակոչիկները:

Նորակոչիկներին բանակ ծանապարհելու արարողություններին մասնակցել են ՀՀ Գեղարքունիքի մարզպետի տեղակալներ Ջանիկ Բագչյանը եւ Վահան Ջարոյանը, մարզի համայնքների ղեկավարները եւ աշխատակիցները, ուժային կառույցների ներկայացուցիչներ, Հայ Առաքելական եկեղեցու Գեղարքունյաց թեմի հոգևոր դասի անդամներ, նորակոչիկների ծնողներ եւ հարազատներ:

Հունիսի 27-ին Գեղարքունիքի մարզպետ, Գեղարքունիքի մարզի զորակոչային հանձնաժողովի նախագահ Կարեն Սարգսյանն անցկացրել է մարզային զորակոչային հանձնաժողովի հերթական նիստը, որին մասնակցել են զորակոչային հանձ-



նաժողովի բոլոր անդամները:

Օրակարգում քննարկվել են ամառային զորակոչի ընթացքին վերաբերող հարցեր, որից հետո ՀՀ ՊՆ Ձ եւ ՁՀԾ Գեղարքունիքի մարզային ստորաբաժանման կողմից ներկայացվել են հանրակրթական ուսումնական հաստատությունների ավարտական դասարաններում եւ քոլեջներում սովորող անձանց տարկետմանը վերաբերող հարցեր, որոնց հետ կապված հանձնաժողովը տվել է համապատասխան եզրակացություններ:

Հանձնաժողովը քննարկել է նաեւ զորակոչի աշխատանքներին ներգրավված կազմակերպությունների փոխգործակցության արդյունքները, որոնց վերաբերյալ մարզպետը տվել է համապատասխան հանձնարարականներ:

Նիստի ընթացքում քննարկվել են նաեւ վարժական հավաքներին վերաբերող հարցեր:

Ամառային զորակոչը Գեղարքունիքի մարզում կավարտվի 2025 թվականի հուլիսի վերջին:

ՄԻՋՈՑՆԵՐ ԵՆ ՁԵՌՆԱՐԿՎՈՒՄ ՀԱՄԱՐԱՐԱԿ ԲԱՆԱԿԻ ԲԱԶՄԱԲՆԱԿԱՐԱՆ ՇԵՆՔԻ ՊԱՅԹՈՅՈՒՆԻ ՀԵՏԵՎԱՆՔՆԵՐԻ ՎԵՐԱՅՄԱՆ ՈՒՂՂՈՒԹՅԱՐ



խարարության, Աշխատանքի եւ սոցիալական հարցերի նախարարության, ՄՍԾ-ի, ՆԳՆ փրկարար ծառայության եւ Քաղաքաշինության կոմիտեի ներկայացուցիչներ:

Միջոցառումների ընթացքում արդյունքները քննարկվել են ՀՀ ՏԿԵ նախարարությունում, որտեղ մարզպետ Կարեն Սարգսյանը անցկացրել է աշխատանքային խմբի խորհրդակցություն: Քննարկման ընթացքում ներկայացվել են մինչ օրս իրականացված գործողությունները եւ առկա խնդիրները:

Առանձնահատուկ ուշադրություն է դարձվել պայթյունից տուժած բնակիչների սոցիալական աջակցությանը եւ նրանց բնակապահովման հարցերի լուծմանը: Քննարկվել են նաեւ առաջիկա քայլերը ներառյալ տուժածների ժամանակավոր եւ մշտական կացության ապահովման տարբերակները:

Մարզային իշխանությունները եւ ոլորտային գերատեսչությունները շարունակում են համակարգված աշխատանք իրականացնել ապահովելու տուժածների կարիքներն ու բարեկեցությունը:

ՀՀ Գեղարքունիքի մարզպետի աշխատակազմ

ՇՆՈՐՀԱՅԱԼԱՍԳԻՐ ՄԱԿ-Ի ՊԶԾ ՀԱՅԱՍՏԱՆՅԱՆ ԳՐԱՄՆՆԱԿԻ ՏՆՕՐԵՆ ՆԱՆԱ ՍԿԱՌԻՆ



Գեղարքունիքի մարզպետ Կարեն Սարգսյանն ընդունել է ՄԱԿ-ի Պարենի համաշխարհային ծրագրի Հայաստանյան գրասենյակի ղեկավար Նաննա Սկառին:

Հանդիպման ընթացքում կողմերը բարձր են գնահատել Գեղարքունիքի մարզպետի աշխատակազմի եւ ՄԱԿ-ի Պարենի համաշխարհային ծրագրի միջեւ ձեւավորված արդյունավետ համագործակցությունը՝ հատկապես համայնքների կայուն զարգացման, սննդի ապահովման եւ սոցիալական աջակցության ուղղությամբ իրականացված ծրագրերի շրջանակում:

Կարեն Սարգսյանը Նաննա Սկառին հանձնել է շնորհակալագիր՝ Գեղարքունիքի մարզում ծավալված ակտիվ գործունեության, արդյունավետ գործընկերային հարաբերությունների եւ կարեւոր ծրագրերի իրագործման համար:

Քննարկման ավարտին Կարեն Սարգսյանը Նաննա Սկառին մաղթել է հաջողություններ հետագա գործունեության մեջ՝ ընդգծելով, որ մարզպետի աշխատակազմը պատրաստ է պահպանել կառուցողական համագործակցությունը եւ աջակցել ՄԱԿ-ի Պարենի համաշխարհային ծրագրի թիմի կողմից նախատեսված բոլոր ընթացիկ եւ ապագա ծրագրերին:

ՀՈՒՇ ՈՒ ՊԱՏՄՈՒԹՅՈՒՆ ԴԱՐՁԱԾ ՎԵՐԻՆ ՎԱՐԻՆԵՆԻԸ

Վերին Վարդենիկ գյուղատեղին, որն ամառադաբնակ է 1949 թվականից, գտնվում է Գեղարքունիքի մարզի Վարդենիկ գյուղից 3 կիլոմետր հարավ, Վարդենիկ գետի արեւելյան ափի բարձունքում: Այս բնակավայրի մասին հայտնի պատմական տեղեկությունները եւս վերաբերում են վաղ միջնադարին ու ավարտվում 20-րդ դարի երկրորդ կեսի մեկնարկում:

Վերին Վարդենիկի մասին հիշատակություն կա Ստեփանոս Օրբելյանի «Պատմություն Սիսական աշխարհի» գրքում, ուր գյուղը նշված է Տաթևի վանքին հարկատու բնակավայրերի ցանկում: Բնակավայրի տարածքում պահպանված հուշարձանները փաստում են, որ այն գործել է 7-րդ դարից՝ հաշվի առնելով Սուրբ Գրիգոր Լուսավորիչ եկեղեցու հյուսիսարեւելյան կողմում ընկած քառակող կոթողի փաստը: Սակայն չի բացառվում, որ այստեղ կարող ենք գործ ունենալ շատ ավելի հին ժամանակաշրջանի հետ, ինչպես որ Գեղարքունիքի մարզի մյուս բնակավայրերի պարագայում է:

Վերին Վարդենիկի կենսագործունեության մասին 1910-ական թվականներին կարճ հիշատակու-



թյուն է թողել անվանի հնագետ Երվանդ Լալայանը:

«Վերին Գյոզալդարան գտնվում է Ներքին Գյոզալդարայից փոքր-ինչ վերել, նույն գետի ծախ ափին: Հիմնված է 1878 թվականին, Ալաշկերտի Քոռուն եւ Մուսուն գյուղերի հայ գաղթականներից: Գյուղում ուշադրության արժանի առանձին բան չկա: Բնակիչները 44 տուն են, 178 արական, 177 իգական, 355 հոգի: Պարապմունքը երկրագործությունն ու անասնապահությունն են»:

Այս վկայությունն էլ մեզ հիմք է տալիս կարծելու, որ Երվանդ Լալայանը Վերին Վարդենիկ չի այցելել անձամբ, այլ բնակչության մասին տեղեկատվությունը փոխանցել է այլ աղբյուրներից, քանի որ դժվար է պատկերացնել, թե մնա ականավոր հնագետն ինչպես կարող էր չնկատել Վերին Վարդենիկի Սուրբ Գրիգոր միանավ բազիլիկ եկեղեցին, նրա շրջակայքի բարձրարվեստ քանդակներ կրող խաչքար-տապանաքարերը, քարայր-ճգնարանի ժայռին քանդակված խաչերը: Մինչդեռ այս բնակավայրի հնագիտական արժեքների մասին ոչ միայն «ուշադրության արժանի բան կա», այլ նաեւ հսկայական ու ծանրակշիռ ասելիք կա:

/շարունակությունը՝ էջ 4-ում/



ՄԵՎԱՆՈՒՄ ՄԱԿ-Ի ՀԱՄԱՇԽԱՐՀԱՅԻՆ ԾՐԱԳՐԻ ԳՐԱՍԵՆՅԱԿ Է ԲԱՅՎԵԼ

ՄԱԿ-ի Պարենի համաշխարհային ծրագիրը Սեւանում նոր գրասենյակ է բացել՝ Գեղարքունիքի եւ Կոտայքի մարզերում իր գործունեությունն ընդլայնելու նպատակով:

ՄԱԿ-ի Պարենի համաշխարհային ծրագրի նոր գրասենյակի բացմանը մասնակցել են ՄԱԿ-ի Պարենի համաշխարհային ծրագրի Հայաստանյան գրասենյակի տնօրեն Նաննա Սկաուն, Գեղարքունիքի մարզպետի տեղակալներ Վահան Ջարոյանը եւ Ջանիկ Բազեյանը, Սեւան համայնքի ղեկավարի առաջին տեղակալ Արթուր Մարգարյանը, ՄԱԿ-ի Պարենի համաշխարհային ծրագրի, ՀՀ Գեղարքունիքի մարզպետի աշխատակազմի եւ Սեւանի համայնքապետարանի պատասխանատու աշխատակիցներ:

Գեղարքունիքի եւ Կոտայքի մարզերում մեծ ներուժ կա, եւ մենք ցանկանում ենք զարգացնել գյուղատնտեսական ենթակառուցվածքները եւ լրացուցիչ հնարավորություններ ստեղծել



մարդկանց համար: ՄԱԿ-ի Պարենի համաշխարհային ծրագիրը արդյունավետորեն համագործակցում է Հայաստանի կառավարության հետ եւ ներգրավելով համայնքների անդամներին խթանում կայունությունը տարա-

ծաշրջանում՝ բացահայտելով եւ լուծելով մարզերում առկա մարտահրավերները, -ասել է Նաննա Սկաուն:

- Մարզպետ Կարեն Սարգսյանի եւ մեր անունից թույլ տվեք շնորհավորել բոլորիս Սեւան քաղաքում ՊՅԾ-ի նոր գրասենյակ բացելու կապակցությամբ եւ շնորհակալություն հայտնել ՄԱԿ-ի Պարենի համաշխարհային ծրագրին մինչ օրս Գեղարքունիքի մարզում իրականացրած կարելու ծրագրերի համար: Այս գրասենյակի առկայությունը կբարձրացնի մարզի փոքր եւ միջին գյուղա-

ցիական տնտեսությունների արտադրողականությունն ու շահութաբերությունը,- նշել է Գեղարքունիքի մարզպետի տեղակալ Վահան Ջարոյանը:

Սեւան համայնքի ղեկավարի առաջին տեղակալ Արթուր Մարգարյանը նույնպես շնորհակալություն է հայտնել Նաննա Սկաունին եւ ծրագրի պատասխանատուներին՝ Սեւանում նոր գրասենյակի բացման առթիվ:

ՄԱԿ-ի Պարենի համաշխարհային ծրագիրը Գեղարքունիքում, ի թիվս այլ ծրագրերի, իրականացնում է «Դպրոցական սնունդ» ծրագիրը՝ ապահովելով տարրական դասարանների երեխաներին տաք եւ սննդարար կերակուրներով:

ՊՅԾ-ն նաեւ իրականացնում է դպրոցական գյուղատնտեսական ծրագրեր ամբողջ Հայաստանում, այդ թվում՝ Գեղարքունիքում, որտեղ դպրոցներին աջակցություն է ցուցաբերվում ջերմատների, ինտենսիվ այգիների եւ արեւային կայանների կառուցման տեսքով:

Արմինե Ղուկասյան

ՄԱՐՏՈՒՆԻ ՀԱՄԱՅՆՔՈՒՄ ԲԱՅՎԵԼ Է ԲԻՌԲՐԻԿԵՏԻ ՊԱՏՐԱՍՏՄԱՆ ԱՐՏԱԴՐԱՄԱՍ

Գեղարքունիքի մարզի Մարտունի համայնքում ՄԱԿ-ի Պարենի համաշխարհային ծրագրի կողմից տրամադրված միջոցների հաշվին գործարկվել է բիրբրիկետի պատրաստման արտադրամաս՝ Գեղարքունիքի մարզում ապաստանած փախստականների եւ սոցիալապես անապահով խմբերի ջեռուցման կարիքները ձմռան ամիսներին հոգալու նպատակով:

Բիրբրիկետի պատրաստման արտադրամասի բացման արարողությանը մասնակցել են ՄԱԿ-ի Պարենի համաշխարհային ծրագրի Հայաստանյան գրասենյակի տնօրեն Նաննա Սկաուն, ՄԱԿ-ի Պարենի համաշխարհային ծրագրի պատասխանատուներ, Գեղարքունիքի մարզպետի տեղակալներ Ջանիկ Բազեյանը եւ Վահան Ջարոյանը, Մարտունի համայնքի ղեկավարի տեղակալ Արմեն Շահինյանը, Ներքին գետաշենի վարչական ղեկավար Ռուբեն Զուլոյանը:


ՄԱԿ-ի Պարենի համաշխարհային ծրագրի Հայաստանյան գրասենյակի ներկայացուցիչ Վահան Առաքելյանի հավաստմամբ՝ արտադրամասն ունի ժամում 250 կիլոգրամ թողունակություն: Բիրբրիկետի

արտադրության համար հումք են ծառայելու փայտի ու կահույքի արտադրության, ինչպես նաեւ անտառային թափոնները: Ծրագրի մեկնարկը տրվել է մեկ տարի առաջ:

Բիրբրիկետի արտադրության ծախսերի կրճատման նպատակով ՄԱԿ-ի Պարենի համաշխարհային ծրագրի կողմից արտադրամասի տանիքին տեղադրվել է 50 կիլովատտ ժամ հզորության արեւային ֆոտովոլտային կայան: Բացի այդ, ծրագրով նախատեսված է Գեղարքունիքի մարզի համայնքներում ՄԱԿ-ի Պարենի համաշխարհային ծրագրի կողմից կառուցված արեւային ֆոտովոլտային կայանների արտադրանքի 30 տոկոսն ուղղել նորաստեղծ հիմնադրամին՝ մարզում ապաստանած փախստականներին ու անապահով խմբերին տրամադրվող վառելիքի արժեքը սուբսիդավորելու նպատակով:

Բիրբրիկետի պատրաստման արտադրամասի գործարկմամբ ստեղծվել է 4 աշխատատեղ:

«Գեղամա աշխարհ»



ԳԱՎԱՌ ԲԱՂԱՔԻ ՇԱՏՐՎԱՆԱՅԻՆ ՀԱՄԱԿԱՐԳԸ ԿՇԱՀԱԳՈՐԾՎԻ ԱՅՍ ՏԱՐՎԱ ԱՇՆԱՆԸ



Գավառ քաղաքի շատրվանային համակարգի շինարարությունը, որի մեկնարկը տրվել է 2024 թվա-

կանի նոյեմբերին, ՀՀ կառավարության կողմից իրականացվող սուբվենցիոն ծրագրերի շրջանակներում, շահագործման կիսնձնվի 2025 թվականի աշնանը:

Գավառի շատրվանային համակարգի կառուցման ծրագրի պայմանագրային արժեքը կազմում է 278 միլիոն դրամ, որի 55 տոկոսը հատկացնում է ՀՀ կառավարությունը, 45 տոկոսը՝ Գավառի համայնքապետարանը:

2025 թվականի հուլիսի 1-ի դրությամբ շինարարությունն այստեղ ավարտված է շուրջ 620 տոկոսով:

Շինարարական աշխատաքների ղեկավար Նարեկ Թարվերդյանի հավաստմամբ՝ այս պահի դրությամբ կատարվել է ջրավազանի ֆիլտրացիոն եւ սեզոնա-

լին դատարկման խողովակների մոնտաժ: Կատարվել է նաեւ տեխնիկական սենյակի կառուցում, որը պահին գտնվում է հարդարման փուլում: Վերանորոգվում է ապամոնտաժված ջրահավաք ավազանի բազալտե սալերի երեսպատումը: Բուն շատրվանային համակարգը ձեռք էր բերվել դեռ 2021 թվականին: Դրա կարգաբերումն ու փորձարկումը նախատեսվում է հուլիսի սկզբին: Շատրվանն իր ընդհանուր մակերեսով Հայաստանում ամենամեծերից մեկն է՝ հազեցած արդի տեխնոլոգիաներով: Շատրվանային համակարգի մակերեսը 576 քառակուսի մակերես ունի, որը լինելու է թե՛ գունավոր, թե՛ երաժշտությամբ, թե՛ տեսաձայնագրմամբ: Ջրի ամենաբարձր շիթի երկարությունը 10-12 մետր է լինելու:

Ըստ Գավառ համայնքի ղեկավարի առաջին տեղակալ Գրիգոր Դաշտոյանի՝ տարածքում տեղադրվելու են լուսաձայնային համակարգեր, իսկ ընդհանուր շատրվանային համակարգն իր լուծումներով, իր ձայնային, լուսային գեղեցիկ համակարգով լրացնելու է Գավառի կենտրոնական հրապարակի ճարտարապետական տեսքը: Շինարարության ավարտին կենտրոնական հրապարակի տարածքը նաեւ կկանաչապատվի եւ կկահավորվի:

Անահիտ Կարեյան

ՄԵՎԱՆԱ ԼՃՈՒՄ ՄԵԿՆԱՐԿԵԼ Է ԼՈՂԱՓՆՅԱ ՀԱՆԳՍՏԻ ՍԵՉՈՆԸ

2025 թվականի հուլիսի 1-ից «Սեւան Ազգային պարկ»-ի տարածքում գտնվող 5 հանրային լողափերում պաշտոնապես տրվել է լողափնյա սեզոնի մեկնարկը:

Ինչպես տեղեկացրեց «Սեւան Ազգային պարկ» ՊՈԱԿ տնօրեն Կարեն Մնացականյանը, հանրային լողափերում մուտքն անվճար է: Այդ լողափերում գործում են անվճար խաղահրապարակ, հանդերձարաններ, շվաքարաններ, ցնցուղարաններ:

Հաշմանդամություն ունեցող անձանց համար յուրաքանչյուր լողափում հասանելի է առնվազն մեկ հատուկ ռեզիմեն անվասայակ, որը թույլ է տալիս՝ չարժվել ինչպես ավազի, այնպես էլ ջրի մակերեսով:

Լողափերում գործում են ջրափրկարարական ծառայություն, բուժկետեր, հասարակական կարգի վերահսկողություն, որն իրականացնում են Էկոպարեկային եւ Ջրային պարեկային ծառայությունները:

Լողափերից երկուսը գործում են Սեւան քաղաքի, երրորդը՝ Սեւանի թերակղզու տարածքներում: Չորրորդ լողափը գործում է Դրախտիկի հատվածում, իսկ հինգերորդ լողափը կբացվի



առաջիկա օրերի ընթացքում, Լճաշենի հատվածում:

«Գեղամա աշխարհ»

ԳԵՂԱՐՔՈՒՆԻՔԻ ՄԱՐԶԻ ԲՈՒԺ ՀԱՄԱՏՈՒԹՅՈՒՆՆԵՐՈՒՄ 2025 ԹՎԱԿԱՆԻ ՀՈՒՆԻՍԻՆ ԾՆՎԵԼ Է 70 ԵՐԵՒՍԱ

Գեղարքունիքի մարզի բուժհաստատություններում 2025 թվականի հունիսին ծնվել է 70 երեխա՝ 36 աղջիկ, 34 տղա:

Գեղարքունիքի մարզպետի աշխատակազմի առողջապահության եւ սոցիալական հարցերի վարչության տեղեկացմամբ՝ 23-ական ծնունդ գրանցվել է Մարտունու ծննդատանը եւ Սեւանի բժշկական կենտրոնում, 14-ը՝ Գավառի, 8-ը՝ Վարդենիսի բժշկական կենտրոններում: Ճամբարակի առողջության կենտրոնում հունիս ամսին ծնունդ չի գրանցվել: Իսկ ահա Սեւանի բժշկական կենտրոնում գրանցված 23 ծնունդներից երկուսը գույգ են եղել:

2024 թվականի հունիսին Գեղարքունիքի մարզի ծննդագնություն իրականացնող բուժհաստատություններում լույս աշխարհ են եկել 99 երեխա՝ 55 տղա, 44 աղջիկ:



ԳԱՎԱՌ ՀԱՄԱՅՆՔԻ ՏԱՐԱԾՔՈՒՄ ՊԱՏՄԱՀՆԱԳԻՏԱԿԱՆ ՆՈՐ ՀՈՒՇԱՐՁԱՆՆԵՐ ԵՆ ՆԿԱՏՎԵԼ

Գավառ քաղաքի արևելյան կողմում, Մանու-
չարի դաշտ կոչվող տարածքում, Գավառ-Մար-
տունի նախկին ավտոճանապարհի կողքերին
Գավառ քաղաքի բնակիչ, հնասեր Թաթուլ Տո-
նոյանի ուղեկցությամբ, նկատել եւ լուսանկա-
րել ենք պատմամշակութային արժեք ներկա-
յացնող 3 կոթող՝ մեկ մենհիր ու գեղաքանդակ
երկու խաչքար:

Մենհիրը գտնվում է Գավառ-Մարտունի
նախկին ավտոճանապարհի 7-8 -րդ կիլոմետ-
րի հարավային կողմում, մոտ հարյուր մետր
հեռավորությամբ, Կարմիրգյուղի վարչական
տարածքում: Այն ունի շուրջ երկու մետր բարձ-
րություն, ներքեի մասում՝ մոտ մեկուկես
մետր լայնություն: Մեկ մետր բարձրությունից
հետո հուշարձանը որոշակիորեն նեղանում է՝
մնամվելով խաչի:

Մենհիրները պաշտամունքային հսկայական
քարե կոթողներ են, որոնք հեռավոր ժամա-
նակներում կանգնեցվել են նախնյաց գերեզ-
մանների կամ դամբարանների վրա:


Գտնված խաչքարերից առաջինը նկատվեց
մենհիրից մի քանի հարյուր մետր դեպի հյուսիս, Գա-
վառ-Մարտունի նախկին ավտոճանապարհի հյուսի-
սային կողմում:

Խաչքարը, որն իր պատրաստման ոճով նման է 9-
10-րդ դարերի խաչքարերին, ունի շուրջ մեկ մետր
բարձրություն, վերեւի մասում շրջանաձև կտրված-



քով, ու կես մետր լայնություն: Այն ներքեւի մասում
թաղված է հողի հաստ շերտի տակ: Վերին մասի
քանդակների երկու կողմերում գիր է նկատվում, որը
դժվար է ընթերցել: Երկրորդը գտնվում էր առաջին խաչ-
քարից մոտ երկու հարյուր մետր դեպի հյուսիս,
դարձյալ դաշտամիջյան ճանապարհի ուղիղ եզրին:

Խաչքարերից երկրորդը գտնվում էր առաջին խաչ-
քարից մոտ երկու հարյուր մետր դեպի հյուսիս,
դարձյալ դաշտամիջյան ճանապարհի ուղիղ եզրին:



Նրա վերին մասը թեւեւ կտրված է ու բացակա-
յում է տեղում, սակայն պահպանված մասն էլ չա-
փազանց շքեղ է: Այն եւս իր պատրաստման ոճով
նման է 9-10-րդ դարերի քանդակներին:

Հետաքրքիր է, որ երկու խաչքարերի շրջակա-
յում էլ գերեզմանի կամ գարեզմանոցի հետքեր
չնկատվեցին, ինչից կարելի է ենթադրել, որ այս
խաչքարերն անմարդաբնակ այս տարածքում գու-
ցե ծառայել են ճանապարհային ուղեցույցներ կամ
սահմանախաչեր: Հաջորդ ենթադրությունն այն է,
որ դրանք գուցե հողի տակից դուրս բերված լինեն
մեկիորտի վախճանների ընթացքում:

ՀՀ ԿԳՄՍ նախարարության պատմական միջա-
կայրի պահպանության Գեղարքունիքի մարզային
ծառայության պետ Գոռ Գասպարյանի հավաստ-
մամբ նկատված մենհիրն ու երկու խաչքարերը
ներառված չեն պետական պահպանության ցան-
կում:

-Մանուչարի դաշտում, որտեղից գտնվել են ձեր
մատնաշած կոթողները, բազմաթիվ են են պատ-
մահնագիտական հուշարձանները, որոնք այդպես էլ
չեն ներառվել պետական պահպանության ցանկում:
Հենց այդ տարածքից է վերջերս գտնվել ցլակերպ
վիշապակոթողը ու մեկ խաչքար, որոնք արդեն պե-
տական գրանցման փուլում են գտնվում,- ներկայաց-
րեց Գոռ Գասպարյանը:

Խոսքով Խլղաթյան

ԱԿՈՒՆԲ ԳՅՈՒՂԻ «ՎԱՆՔ» ԵԿԵՂԵՑՈՒ ՏԱՐԱԾՔԸ ՀՆԱԳԻՏԱԿԱՆ ՈՒՍՈՒՄՆԱՍԻՐՈՒԹՅԱՆ ԿԱՐԻՔ ՈՒՆԻ



Գեղարքունիքի մարզի Վարդենիս համայնքի
Ակունք գյուղի «Վանք» կոչվող եկեղեցին, իր տա-
րածքով, համարվում է Գեղարքունիքի մարզի համա-
մատաբար քիչ ուսումնասիրված պատմամշակութա-
յին հուշարձաններից մեկը, թեւեւ այն ընդգրկված է
հուշարձանների պահպանության պետական ցան-
կում ու համարվում է մեր թվարկության 7-րդ դարի
կառույց:

Դրա համար, անշուշտ, հիմք է ընդունվել եկեղե-
ցու մուքից դեպի արեւելք ընկած քառակող կոթողի
մի բեկոր, որն իր կերտման ոճով նման է 7-րդ դարի
եկեղեցաշինական կառույցների ճարտարապետա-
կան տարրերին: Ամեն դեպքում, քառակող, իղկված
այս կոթողը եւ եկեղեցու մուտքի դիմաց գտնվող կլոր
շարվածքի մեջ բացված փոսում ընկած պատվան-
դանը պարզորոշ հուշում են, որ այստեղ, Ակունք
գյուղից շուրջ 6 կիլոմետր հեռավորությամբ ու ծովի
մակերեսույթից 2600 մետր բարձրությամբ առնվազն
7-րդ դարում կամ վաղ միջնադարում գործել է պատ-

մաճարտարապետական հոգեւոր
քանդակագործ կառույց, որից մեր
օրերում ընդամենը պահպանված է
երկու բեկոր: Եկեղեցու պատերը, որի
տաշած քարերը շարված են զրեթե
առանց շաղախի, հիշեցնում են ուշ
միջնադարյան ճարտարապետությու-
նը, իսկ եկեղեցու խորանի դիմաց
գտնվող գեղաքանդակ խաչքարը
պատկանում է 13-դարի քանդակների
ոճին:

Դժվար է ասել, թե ուր են անհետա-
ցել 7-րդ դարի կառույց համարվող
շինության մյուս բեկորները, որոնք
ժամանակին կազմել են մի շքեղ ամ-
բողջություն, սակայն չի բացառվում
,որ դրանք թաղված լինեն հողի շեր-
տի տակ, հենց եկեղեցու շրջակա-
յում, որտեղ նկատելի են նաեւ մի
քանի հնագույն, բրոնզեդարյան
դամբարանային շարվածքներ, որոնք
գտնվում են քանդված ու տակնուվ-
րա արված վիճակում:

Եվ այդ դամբարանների գոյությունը միանգամայն
հիմք է տալիս՝ եզրակացնելու, որ այս սրբավայրը
գործել սկսել է շատ ավելի վաղ ժամանակներից,
նույնիսկ՝ 7-րդ դարից հազար ու ավելի տարիներ
առաջ:

Ակունք գյուղի բնակիչ, Ակունք համայնքի նախկին
ղեկավար Արծրուն Դարիբյանի ներկայացմամբ՝ այս
սրբավայրը, ըստ ավանդության, հին դարերում եղել
է հեթանոսական մեհյան, որտեղ շրջակա յոթ բնակա-
վայրերի բնակիչների համար բորբոք է մնացել կրա-
կապաշտական ատրուշանը:

-Այսօրվա Ակունքի վարչական տարածքում կան
յոթ գյուղատեղիների ավերակներ, ու այդ գյուղերը,
ըստ հնագիտական ուսումնասիրությունների, գործել
են հազարամյակներ շարունակ: Մեզ հասած ավան-
դազրույցների համաձայն՝ այս բարձունքի վրա գտն-
վող մեհյանը հսկել է ողջ տարածքի բնակավայրերը,
այստեղ մշտաբորբոք ատրուշանի առաջ պաշտա-

մունքի են եկել մեր հեթանոս նախնիները: Մեր ժա-
մանակներում ու մեզանից առաջ էլ այս վայրը եղել է
ձգող սրբավայր-ուխտատեղի, որը կանգնում է նաեւ
նոր սերունդներին, -պատմեց Արծրուն Դարիբյանը:

Ակունքի «Վանք» եկեղեցին, բացի ուխտավայր լի-
նելուց, մի բացառիկ դիտակետ ու պահակետ է տա-
րածքի բնակավայրերի, բերդ-ամրոցների համար:
Երկնամեծը ու գեղատեսիլ այդ բարձունքից, ինչպես
ափիղ մեջ, բոլորեքյան երեսում են Վարդենիսի, Արեւ-
ելյան Սեւանի, Սեւանի, Արեգունու, Գեղամա լեռնաշ-
խանքը, մարզի արեւելյան հատվածի բնակավայրե-
րը, ճանապարհները:

«Վանք» եկեղեցու մուտքից արեւմուտք գտնվող
պատի ներքեւի հատված երկու անկյունաքարերի
վրա նկատվեց անվարժ ձեռագրով խազված գիր
նույն բովանդակությամբ: Երկու դեպքում էլ, լուսան-
կարը խոշորացնելուց հետո, ստացվեց «Ամենափր-
կիչ» բառը:

Դժվար է ասել, թե երբ եւ ում կողմից է այն գրվել,
սակայն կարել է ենթադրել, որ այս տարածքում ապ-
րող մարդկանց հիշողության մեջ այս սրբավայրը
տպավորվել է նաեւ «Ամենափրկիչ» անունով:

«Վանք» եկեղեցու մուտքի կողմից տեղադրվել է
2016 թվականի Արցախյան քառօրյա պատերազմում
Թալիշում զոհված հայորդիների հուշախաչքարը եւ
44-օրյա պատերազմում զոհված հերոսներին նվիր-
ված մետաղակուռ խաչը, որն ունի 12 մետր բարձ-
րություն եւ կառուցվել է ակունքցի բարերար Արմեն
Ավագյանի միջոցներով:

«Վանքի» բարձունքը հյուսիսային կողմում ստիճա-
նաբար ցածրանում է ու ավարտվում փոքրիկ ծորա-
կի մոտ, որից այն կողմ արդեն տարածվող բարձրա-
կանդակի վրա հեռվից նկատելի են պարիսպների ու
բնակատեղիի հետքեր: Չի բացառվում, որ ուսումնա-
սիրության դեպքում այստեղ ի հայտ գան հնագիտա-
կան նոր արժեքներ:

Իսկ «Վանք» եկեղեցու ստույգ ժամանակագրու-
թյունը հստակեցնելու ու պատմությունն ամբողջաց-
նելու համար հարկ կլինի այստեղ իրականացնել
հնագիտական պեղումներ:

Խոսքով Խլղաթյան

**ԳԱՎԱՌ ՀԱՄԱՅՆՔԻ ԴԵԿԱՎԱՐԻ ՊԱՐԳԵՎԱՏՐԵԼ Է ՊԱՐԱ-
ԾԱՆՆԱՄԱՐՏԻ ԱՇԽԱՐՀԻ ԶԵՄՊԻՌՈՒ ԱՐՏՅՈՒՄ ՄՈՒՆՍՅԱՆԻՆ**

Գավառ համայնքի ղեկավար
Գուրգեն Մարտիրոսյանն ընդունել
է պարգևատրել է Գավառի Գրիշ-
ա Ափրոյանի անվան մարզադպրո-
ցի մարզիկ, պարաօմսպորտի
աշխարհի գավաթի 2025 թվակա-
նի առաջնության ոսկե մեդալակիր
Արտյոմ Մուխայանին եւ նրա մար-
զիչ Ժորա Դովհաննիսյանին:

Արտյոմ Մուխայանը, ով դեռ սո-
վորում է Գավառի թիվ 2 միջնա-
կարգ դպրոցի 10-րդ դասարա-
նում, այս տարվա մայիս ամսին

Հայաստանի պարաօմսպորտի
հավաքականի կազմում մասնակե-
ցել է Թբիլիսիում կայացած աշ-
խարհի գավաթի 2025 թվականի
առաջնությանը եւ նվաճել 2 ոսկե
մեդալ:

Համայնքի ղեկավարը շնորհա-
վորել է մարզիկին եւ նրա մարզ-
չին, հետագա հաջողություններ
ցանկացել եւ նրանց պարգևատ-
րել պատվոգրերով եւ դրամական
պարգևներով:

Ավարդ Մանուկյան



ԳԵՂԱՐՔՈՒՆԻՔԻ ՄԱՐԶՈՒՄ ՄԵԿՆԱՐԿՈՒՄ Է ՈՌՈԳՄԱՆ ՇՐՋԱՆԸ

Գեղարքունիքի մարզի Մարտունի հա-
մայնքի տնտեսություններում արդեն տրվել
է ոռոգման շրջանի մեկնարկը:

Ինչպես տեղեկացրեց «Գեղարքունիք»
ՋՕԸ տնօրեն Արտաշ Մարդարյանը, այժմ
ոռոգման շրջանը մասամբ սկսված է նաեւ
Վարդենիսում, իսկ առաջիկայում այն կմե-
կարկի նաեւ Գավառ համայնքի տնտեսու-
թյուններում:

-Նախապատրաստական աշխատանքնե-
րը «Գեղարքունիք» ՋՕԸ-ում գրեթե ամբող-
ջությամբ ավարտված են: Պատրաստի վի-
ճակում են գտնվում բոլոր պոմպակայան-
ները, խորքային հորերը, ջրամատակա-
րարման ինքնահոս համակարգերը: Ոռոգ-
ման շրջանի մեկնարկին զուգահեռ ակտի-
վորեն ընթանում են հայտերի հավաքագր-
ման աշխատանքները: «Ոռոգման համա-
կարգերի արդիականացում» ծրագրի շր-
ջանակներում շուրջ 70 տոկոսով իրակա-
նացված է «Մանասի առու» ոռոգման ինք-
նահոս ջրատարի հիմնանորոգումը, որի
պայմանագրային արժեքը կազմում է 319,4
միլիոն դրամ: Իսկ նույն ծրագրի շրջանակ-
ներում արդեն ավարտվել է Լանջաղբյուրի
ջրամբարի մոտեցնող ջրանցքի կառուցու-
մը՝ պոլիէթիլենային փակ խողովակաշա-
րով, 2650 մետր երկարությամբ, ինչի արդ-
յունքում այն արդեն սնում է Լանջաղբյուրի
ջրամբարը: Առաջիկա օրերին Վարդենիս



համայնքի Ծովակ գյուղում կշահագործվի
արդի չափորոշիչների համապատասխան
ոռոգման նոր համակարգ, որը կառուցվել է
«ՄԱԶԾ-ԳԵՀ Փոքր դրամաշնորհների ծրագ-
րի» շրջանակներում, Վարդենիսի համայն-
քապետարանի եւ «Գեղարքունիք» ՋՕԸ
համագործակցությամբ, ինչի արդյունքում
ոռոգելի կդառնա շուրջ 250 հեկտար հողա-
տարածք: Իսկ համայնքներում նախորդ
տարում սուբվենցիոն ծրագրերով կառուց-
ված ոռոգման համակարգերի շնորհիվ ջու-
րը տնտեսություններին կմատակարարվի
ժամանակին ու անկորուստ: Մեր կողմից
արվում է հնարավոր, որպեսզի ոռոգման
ջուրը մեր բաժանորդներին մատակարար-
վի ժամանակին ու անխափան: Մատակա-
կարված ոռոգման ջրի դիմաց նախորդ
տարվա վարձավճարները զանգվել են 108
տոկոսով,- մեջք Արտաշ Մարդարյանը:

ԴՍԻՊԵՐԵՆԵՐԸ ԵՎ ԴՍԻՊԵՐԵՆԵՐԸ

Վերին Վարդենիկի մասին հաջորդ հիշատակությունը թողել է անվանի հնագետ Սեդրակ Բարխուդարյանը: «Վերին Վարդենիկը գտնվում է Վարդենիկ գյուղից 3 կիլոմետր հարավ, գետակի ափին: Սուրբ Գրիգոր եկեղեցին շինված է մեծ եւ ճեղքված քարերով: Երեք մետր երկարություն ունեցող նեղ դահլիճի կենտրոնում դրված են միակտուր եւ ներքեւից վերել լայնացող քարե սյուներ, որոնց վրա, նույնպես միակտուր քարից հեծաններ, ապա ծածկված են մեծ, կիսատաշ քարերով: Եկեղեցու հարավային մուտքի առաջ եղել է փոքր գավիթ, որի հիմնապատերն են մնում: Շինության ժամանակը որոշ չէ: Ներքուստ երեսպատման քարերի վրա եղած հնագույն արձանագրությունը վերաբերում է 1291 թվականին: Սուրբ Գրիգորի շուրջը տարածված գերեզմանատանը կան գերեզմանաքարեր, որոնցից հնագույն տապանագիր արձանագրությունը գրվել է 1691 թվականին»:

Ըստ Բարխուդարյանի կողմից կատարված վերծանումների՝ Սուրբ Գրիգոր եկեղեցու բնի հյուսիսային կողմում, երեսով արեւմուտք, խաչերի արանքում արձանագրված է 3 տող. «Ողորմին անխափան կատարեց ԹՎ. ՉԽ/ 1291/»:

Եկեղեցու բնի հարավային կողմում, երեսով արեւմուտք, խաչերի շուրջը, արձանագրված է 12 տող. «Ես, աղբ...աբեղա միայքանցայ սբ. Գրիգորիս եւ վանակայնիս Ջատիկ շաբաթ արին Պատարագ ինձ. եյետ ով խափանե, դատի յայ»: Բարխուդարյանը կարծում է, որ այն գրվել է նույն ժամանակում, ինչը նախորդի պարագայում է՝ 13-րդ դարում:



Վանքի հարավային պատի տակ, գավթի ավերակների մեջ, կա մեծ, օրորոցաձե տապանաքար, որն ունի հետեւյալ արձանագրությունը. «Ես Ջոսիմոս քահանայ եւ ամուսին իմ փոխեցաք ի մահվանե ի կեանս եւ ծօնողմ մեր գվանական եւ գմայրն իմոյ յիշեցեք ի Քրիստոս ԹՎ. ՉԽԵ/1296/»:

Եկեղեցու գավթի արեւելյան պատի մեջ ագուցված խաչքարին հետեւյալ բովանդակության արձանագրությունն է. «Ես Խոճայդեղս կանկնեցի գխաչս ի փրկություն հոգվոյ որովոյ իմոյ Ամիրին ԹՎ. Չ/1451/»:

Գավթի արեւելյան պատի մեջ ագուցված մեկ այլ խաչքարին արձանագրված է. «Կանկնեցի Ջխաչս փրկութիւն հոգվոյն հաւրն իմ Խոճայդեղին ԹՎ. Չ/1451/»:

Անթրակի մի խաչքարի էլ արձանագրված է. «Խաչս բարեխոս Մխիթարին եւ կողակցին»:

Վերին Վարդենիկի գերեզմանատանը, որը գտնվում է եկեղեցու հարավային ու հյուսիսային կողմերում, պահպանվել են Աղսուխանի, Նազարի, Արզունքանի, Միրզախանի, Ճանդուկի եւ Չախնազարի արձանագիր ու պատկերագրող տապանաքարերը, որոնցից ամենահինը վերաբերում է 1693, ամենանորը՝ 1711 թվականին:

Դժվար է ասել, թե այդուհետ ինչ է կատարվել այս գյուղի հետ, ինչ աղետի պատճառով է գյուղը դարձել անմարդաբնակ: Ամենայն հավանականությամբ, Սյունիքում ու Արցախում 1722-1730 թվականներին բռնկված ազգային ազատագրական շարժումների պարտությունից ու մահմեդական ցեղերի դաժան ու չընդմիջվող ասպատակությունների արդյունքում է լքվել բնակավայրը, որտեղ կյանքը վերակենդանացել է 1878 թվականից, երբ այստեղ ռուս-թուրքական հերթական պատերազմից ու Սան-Ստեֆանոյի հաշտության պայմանագրի կնքումից հետո վերաբնակություն են հաստատել արեւմտահայ 44 ընտանիքներ, որոնց թիվը 1949 թվականին, բնակիչների՝ այլ բնակավայր տեղափոխելու պահին, հասել է շուրջ 120 տնտեսության:

Վերին Վարդենիկի Սուրբ Գրիգոր եկեղեցու ճարտարապետական բացառիկ ոճին ժամանակին անդրադարձել է հայ անվանի հնագետ-ճարտարապետ Ստեփան Մնացականյանը՝ իր «Հայկական ճարտարապետության Սյունիքի դպրոցը» գրքում մանրամասնորեն տալով այս հուշարձանի չափազանց արժեքավոր ու կարելուր նկարագիրը: Մանրամասնորեն բնկնելով ու վերլուծելով Սյունիքի պատմաճարտարապետական հուշարձանների կառուցվածքային ու շինարարական առանձնահատկությունները՝ Ստեփան Մնացականյանը դրանցից առանձնացնում է երկուսը, որոնք իրենց ճարտարապետական մտահղացմամբ ու կառուցողական տեխնիկայով բացառիկ են ու մյուսներից տարբերվող:

«Դրանցից առաջինը գտնվում է Մարտունու շրջա-

ՀՈՒՇ ՈՒ ՊԱՏՄՈՒԹՅՈՒՆ ԴԱՐՁԱԾ ՎԵՐԻՆ ՎԱՐԴԵՆԻԿԸ



նի Վերին Գյոզալդարա գյուղում: Հուշարձանն ըստ իր հակատազմային կոնստրուկցիայի մի ուղղանկյուն, արեւմուտքից արեւելք ձգված կառուցվածք է՝ նրա կենտրոնում դասավորված երեք ուժեղ սյուներով:

Այստեղ մեծ հետաքրքրություն է ներկայացնում ոչ միայն հատակագծային կոնստրուկցիան, որը եզակի երեւույթ է հայկական ճարտարապետության մեջ, այլեւ կառուցողական այն տեխնիկան եւ հատկապես քարային ծածկի այն կոնստրուկցիաները, որոնք օգտագործվել են այստեղ, եւ որոնք այնքան անսովոր են հայկական մոնումենտալ ճարտարապետության համար առհասարակ:

Դահլիճի կենտրոնում, աստիճանավոր խարսխվրա բարձրանում են հաստահեղույս, կիսամաքուր մշակված, միակտուր բազալտե 0,5*0,6 մետր կտրվածք եւ 2,80 մետր բարձրություն ունեցող սյուներ, որոնց վրա ընդլայնական ուղղությամբ հենվում են դարձյալ միակտուր 0,5*0,7 մետր կտրվածք եւ 3,90*4,10 մետր երկարություն ունեցող ուժեղ հեծաններ: Ահա այս հեծանների վրա էլ իրենց հերթին հենվում են 0,8*0,9 մետր լայնությամբ, 0,20-0,25 մետր հաստության եւ 2-2,20 մետր երկարություն ունեցող ծածկի սալերը:

Յուրահատուկ ձեւ ունեն սյուները, որոնք աստիճանաբար լայնանում են դեպի վեր, ճիշտ այնպես, ինչպես տեսնում ենք ժողովրդական ճարտարապետության մեջ, գլխատան հազարաշեն ծածկը կրող հիմնական սյուների ձեւերում:

Միակտուր սյուներն իրենց հերթին հենվում են աստիճանաձեւ խարսխների վրա, որոնք բաղկացած են դարձյալ երկու, դարձյալ միակտուր բազալտե սալերից: Ընդ որում, ներքին սալն անհամեմատ ավելի մեծ է, քան վերինը: Եկեղեցու արքայիցը նույնպես կառուցված է կոպիտ մշակված բազալտից եւ իր ընդհանուր ձեւով մոտենում է կիսաշրջանագծին: Արքայի՝ դեպի արեւմուտք նայող անկյունները ձեւավորված են երկու հաստահեղույս միակտուր սյունանման քարերով, որոնց վերելի մասերը կորագիծ տաշվածք ունեն եւ կարծես ինչեցնում են արքայի կամարի հիմքերը: Այս մոնոլիտների վրա հենվում է հորիզոնական մեկ այլ քարե հեծան, որն իր հերթին հենարան է ծառայում արքայիցը ծածկող սալերի համար:

Հուշարձանը համարյա թե զուրկ է դեկորատիվ հարդարանքից, եթե չհաշվենք արքայի երկու կողմերում կանգնեցված մոնոլիտների վրա փորագրված խաչերը: Այստեղ եւս առկա է 17-րդ դարի մի արձանագրություն:

Հուշարձանն արտաքինից համարյա թե խրված է բլրալանջի մեջ եւ միայն արեւմուտքից ու հարավից է, որ կարելի է տեսնել ճեղքված քարից շարված նրա ոչ բարձր պատերը:

Ի հակադրություն այդպիսի անշուք էքստերիերի, հուշարձանի ինտերիերը՝ նրա ուժեղ եւ հզոր մոնոլիտ սյուներով, նրանց վրա հենվող հսկայածավալ քարե հեծաններով եւ կառուցվածքի կազմը ծածկող մեծադիր սալերով արտակարգ տպավորություն է թողնում:

Դժբախտաբար, ոչինչ կայունի չէ այս կառույցի թվագրման մասին: Սակայն այն հանգամանքը, որ պատերի շինարարական տեխնիկան ամբողջությամբ կրկնում է 9-րդ դարի վերջին եւ 10-րդ դարի սկզբին Սյունիքում այնքան տարածված կառուցողական տեխնիկան, որոշ հիմքեր է տալիս՝ այս հուշարձանը թվագրել հենց այդ ժամանակով:

Մյուս հուշարձանը, որ խիստ կերպով անջատվում է վերը բերված թաղածածկ կառուցվածքների ոճական այնքան միասնական խմբից, դա Տաթևի վանքից ոչ հեռու գտնվող Բղենու Նորավանքի գլխավոր եկեղեցին է»,- գրում է Ստեփան Մնացականյանը:

Իրոք, արտասովոր տպավորություն են գործում եկեղեցու քարե հեծաններն ու ծածկի սալերը պահող քարեղեն սյուները ու հատկապես՝ նրանց վրա քանդակված խաչերը: Անգամ տպավորություն է առաջանում, թե այդ սյուները նախապես եղել են հեթանոսական դարաշրջանին բնորոշ վիշապակոթողներ:

Ամենայն հավանականությամբ, եկեղեցու արտաքին պատերը շարվել են ավելի ուշ ժամանակներում, 1878 թվականին գյուղը վերաբնակեցրած հայ գաղթականների կողմից, քանի որ նման կառույցի հզոր կմախքի պատերը դժվար թե լինեին այսքան անշուք շարվածքով, առանց ցերեկային լուսավորության հնարավորության: Չի բացառվում նաեւ, որ կառույց մեզ հասած լինի նախաքրիստոնեական շրջանից, իսկ սյուների վրայի խաչքանդակներն արված լինեն հետագա ժամանակներում:

Այս ենթադրությունն առարկայանում նաեւ այն փաստով, որ 1990-ական թվականներին հայ-խաչական հնագիտական միացյալ ասավանդի կողմից

կատարված ուսումնասիրության ժամանակ Վերին Վարդենիկ գյուղի տարածքից հայտնաբերվել է խեցեղեն, որի պատրաստման թվականը համընկնում է Քրիստոսից առաջ 5-րդ դարին:

Եկեղեցու հյուսիսային պատին մոտիկ վերջերս հողի տակից հանվել ու կանգնեցվել է մի գեղաբանդակ արձանագիր խաչքար՝ 1652 թվականով թվագրված: Իսկ եկեղեցու արեւմտյան կողմում, ծորաբերանի բարձունքի ժայռերի վրա խաչեր կան քանդակված: Նույն ժայռերի խոռոչները թողնում են ճգնարանի տպավորություն: Այստեղից բացվում է խորունկ ծորի սքանչելի համայնապատկերը՝ միաձուլված լեռնային գետի անլուելի շառաչին: Դիմացը փռված են Վարդենիսի լեռնաշխարհի ձյունոտ, բարձրաբերձ կատարներն ու կանաչառատ լեռնափեշերը, ծորերն ու ծորակները: Այստեղ այցելող մարդն ականա իրեն զգում է էներգետիկ հզոր դաշտի մեջ, գերող ու հրապուրիչ անկյունում, թեկուզեւ տխրեցնող ու վայրի ամայության մեջ:

Վերին Վարդենիկի նախկին բնակիչների սերունդներն այսօր հիմնականում բնակվում են Արարատի մարզի Ավշար եւ Մարմարաշեն գյուղերում, իսկ չորս գերդաստան՝ Գեղարքունիքի մարզի Վարդենիկ գյուղում: Նրանց մեջ, վարդենիկցիների իսկ վկայությամբ, շատ խորն են նստած իրենց նախնիների բնակավայրի հանդեպ ունեցած հիշողությունն ու կարոտը:

Նրանցից շատերը հաճախակի են այցելում իրենց նախնիների գերեզմաններին, կարոտն առնում հայրենի բնօրրանից: Բացի այդ, իրենց հոգում ամբարել են հետաքրքիր գրույցներ ու պատմություններ իրենց պապերի կամ հարազատների մասին:

Այսպես, Վերին Վարդենիկի բնակիչ Աղաբեկ Վարդանյանն իր հինգ զավակների ու կնոջ հետ բնակության է տեղափոխվել Արարատի մարզի Ավշար գյուղ: Նրանք Վերին Վարդենիկում ժամանակին զբաղվել են հողագործությամբ ու անասնապահությամբ, ունեցել եկամտաբեր տնտեսություն:

Պապս միշտ կարոտով էր խոսում Վերին Վարդենիկի եկեղեցու մասին, ասում էր, որ դրա նման հզոր ու կուռ եկեղեցի աշխարհում չկա, հիշում էր, որ գյուղում աղբյուրի ջրերը չեն բավարարել, մարդիկ հիմնականում ջուրը ձեռքով կրել են ձորով հոսող գետից, շատ են կռիվ տվել հողի ու քարի հետ, սակայն դժվար են բաժանվել իրենց հարազատ բնօրրանից, երբ գյուղը կառավարության որոշմամբ տեղափոխվել են: Իսկ պապիս եղբայրը՝ Արտաշ Վարդանյանը, եղել է Վերին Վարդենիկի դպրոցի տնօրենը: Նա բանակ է զորակոչվել Հայրենական մեծ պատերազմի տարիներին, աչքի ընկել Հունգարիայի տարածքում գերմանաֆաշիստական զորքերի դեմ մղվող մարտերում, ու անձնվեր ծառայության դիմաց անձամբ Ստալինի կողմից պարգևատրվել Ռսկե գրիչով, ինչի մասին եւ գրվել է խորհրդահայ մամուլում: Ու երբ այդ թերթը գյուղ է հասել, ձեռքեծեռք անցել, մի չկամ ու մատնիչ մարդ զրպարտագիր է ուղարկել վերին ատյաններ՝ պապիս եղբորը բանադրելով ու ներկայացնելով որպես «ժողովրդի թշնամի»: Այդ զրպարտագրի հիման վրա էլ հենց Հունգարիայում, առանց դատ ու դատաստանի, Արտաշին գնդակահարել են: Հետագայում, 1970-ական թվականներին, Արտաշի որդու հասցեով նամակ է ստացվում Հունգարիայից, որով նա հրավեր է ստանում տեղի իշխանությունների կողմից: Պարզվում է, որ այդ քաղաքում Արտաշ Վարդանյանի անունով փողոց է անվանակոչված, որ նա հետմահու արդարացվել է, ու նրա սխրանքները հավուր պատշաճի են գնահատված, -պատմում է Աղաբեկ Վարդանյանի թոռնուհին՝ Մելսիդա Վարդանյանը, ով հասակ է առել Ավշարում, այժմ բնակվում է Երևանում:

Իսկ Վարդենիկում բնակություն հաստատած Միրզո Մադոյանը մահից առաջ պատգամել է՝ իրեն ամփոփել Վերին Վարդենիկում՝ իր ծնողների կողքին, ու այդ պատգամը կատարվել է:

Մի պահ պատկերացրի, թե որքան հաճելի կլինե՞ր այս չքնաղ բնաշխարհի մեջ տեսնել ոչ թե ամայացած, այլ բարեշեն մի գյուղաշխարհ՝ իր շեն տներով, մարդաշատ փողոցներով, եռուզեռի մեջ գտնվող մանկաներով ու հովիվներով, անասնափոխերով, փողոցներում կամ հանդերում խաղացող երեխաներով, դպրոցի ու մանկապարտեզի ժամանակակից շենքերով, այլ հրապուրյուներով: Գուցե թե մի գեղեցիկ օր էլ մի հրաշքով վերածնվեր, վերադառնար այդ աշխարհը:

Խոսքով ԽՆԴԱՅԻՆ



ՏԱԹԵՎԻ ՀԶՈՐԱԶՈՐ ՈՒ ԱՌԱՄՊԵՆԱԿԱՆ ՎԱՆՔԸ

Տաթևի վանքին մոտենում ենք կեսօրից առաջ՝ ուշիուշով չափելով շրջակայքի լեռներն ու անդնդախոր ձորերը, բնակավայրերը, Որոտան գետի անդադրուն հոսքը, օդով մեկ ձգվող, աշխարհի ամենաերկար ճոպանուղին՝ 7,5 կիլոմետր երկարությամբ։ Կուսական ու վայրի բնության մեջ, անդունդների գագաթի հարթության վրա բազմած Տաթևի վանքը չափազանց ու ավելի հմայիչ է թվում իր տեսքի մեջ։ Նրա ամրակուռ պարիսպները, աշտարակները, երկնասլաց գմբեթները, տնտեսական շինությունները, կամարներն ու խոյակները, որմնաքանդակները, վիմագիր արձանագրությունները, ճարտարապետական բացառիկ մտահղացումները, որմնանկարների հետքերը պարզորեն հուշում են, որ մեր դեմ վեհորեն ոչ միայն վանք ու սրբավայր է կանգնած, այլ նաեւ հայ ժողովրդի պատմության հազարամյակների առիավատչյա կառույցը, ուր մարդիկ ոչ միայն զբաղված են եղել աղոթքով, այլ նաեւ ազգային արժեքներ կերտելով, ծաղկելով ու գրելով, մաքառելով ու արարելով, Սուրբ հավատը կենսասիրության հետ մեկտեղելով, կրթվելով ու ազգային ոգով դաստիարակվելով։ Տաթևի վանքում ապրել ու գործել, նրա կենսագործունեությանն առնչվել են մեր ժողովրդի լավագույն ու պանծալի զավակները, թագավորներն ու իշխանները, բարձրաստիճան հոգեւորականները, ազգային-ազատագրական պայքարի գործիչները, գրողներն ու մտավորականները, գիտության ու մանկավարժության երեւելի այրերը։ Տաթևի վանքն իր մեջ պարփակում է ավելի քան հազար եւ յոթ հարյուր տարիների պատմություն ու նույնքան էլ չընդմիջվող կենսագրություն, անգամ այն դեպքում, երբ այստեղով պարտադիր անցել են բոլոր աշխարհավեր ու չար նվաճողները։

Տաթևի վանքը շատ ավելի հռչակավոր է իր դիրքով ու դերով, իր ազգապահպան նշանակությամբ, իր պարզեւած կենսունակությամբ ու հավատի ուժով։ Այն պետականության կրտսի պայմաններում անգամ հայ մարդու մոտ ընկալվել է որպես հայոց անխաթար պետություն, որպես հույս ու ապավեն։ Ու չկա, չի եղել մի հայ մարդ, ում հոգում Տաթևը եղած չլիքի որպես պաշտամունքի խորհրդանիշ։

Տաթևի համալիրը մեծ տարածություն է զբաղում։ Տաթև եւ Որոտան գետերի կիրճերի միջեւ եռանկյունաձեւ ձգվում է ժայռեղեն մի թերակղզի, որի վրա կառուցված է վանքը։ Ձառիթափ ժայռերի բարձրությունը հասնում է 700-800 մետրի։ Մյուս կողմերից վանքը շրջապատված է աշտարակներով եւ հաստ պարսպապատերով՝ լուսամուտների նեղ բացվածքներով։ Համալիրը ներկայացնում են պարսպատերերը, ձիթհանը, սուրբ Պողոս-Պետրոս տաճարը, սուրբ Աստվածածին մատուռ-ե-



կեղեցին, սուրբ Գրիգոր եկեղեցին, սուրբ Գրիգոր Տաթևացու դամբարանը, «Գավազան» հուշարձանը, սեղանատունը, դասասենյակները, մատենադարանը, ուխտագնացների հյուրատունը, բնակելի տարածքները, խոհանոցը, բազմաթիվ ծառայողական շինությունները եւ վանական խցերը։

Ավանդության համաձայն վանքը կոչվել է Թադեոս առաքյալի աշակերտ Եվստաթեսի անունով։ Ըստ Ստեփանոս Օրբելյանի՝ Տաթևի վանքի առաջին եկեղեցին կառուցվել է 4-րդ դարում, ունեցել անշուք տեսք, սակավաթիվ ճգնավոր միաբաններ։ 8-րդ դարի վերջին եղել է Մյունյաց եպիսկոպոսության աթոռանիստը։ Այստեղ են բերվել Քրիստոսի խաչածամուխ մասունքով արծաթե հսկա մարդաչափ «Բաբկենյան խաչը», որը պատրաստել էր Բաբիկ իշխանի որդի Վասակը, Բյուզանդիայից «Աստվածամուխ սուրբ Նշանը», սուրբ Հովհաննեսի, սուրբ Ստեփանոս Նախավկայի, տասնմեկ առաքյալների, սուրբ Գրիգոր Լուսավորչի, սուրբ Հովսիսիմի մասունքները, Աստվածածնի մազերը։ Կալվածքներ գնելու եւ նվիրատվությունների շնորհիվ վանքը դարձել է խոշոր ավատատեր։ 848 թվականին իշխան Փիլիպե Սյունին կառուցել է սուրբ Գրիգոր Լուսավորիչ եկեղեցին։ Մյունյաց գահերեց իշխան Աշոտ Սյունու պատվերով Հովհաննես եպիսկոպոսը ձեռնարկել է հայկական ամենախոշոր եկեղեցիներից մեկի՝ սուրբ Պողոս-Պետրոս տաճարի կառուցումը, ինչին օժանդակել է Շուշանիկ տիկինը։ Տաճարի հիմքը դրվել է 895 թվականին, շինարարությունն ավարտվել 906 թվականին։ Օծմանը ներկա են եղել Սմբատ Ա թագավորը, Վասպուրականի Գագիկ Արծրունի իշխանը, կաթողիկոս Հովհաննես Ե Դրասխանապետը, Աղվանից Սիմոն Բ կաթողիկոսը, հոգեւոր ու ազնվական դասի ներկայացուցիչներ։ Բացվում նաեւ է Տաթևի մատենադարանը։ Մյունիքի թագավորության (987-1170) անկումից հետո Տաթևի վանքը որոշ ժամանակով անապատացել է, իսկ հոգեւորականները տեղափոխվել են Նորավանք։

Կարճ ժամանակ անց Մյունիքը, Արցախը, Այրարատը, Ուտիքի ու Գուգարքի մի մասը մտնում են Ձաքարյան իշխանապետության կազմի մեջ։ Մյունիքի իշխաններ Օրբելյանները խթանում են վանքի հետագա զարգացումը։ 14-րդ դարում հիմնադրվում է Տաթևի համալսարանը, որը դառնում է գիտության խոշոր կենտրոն։ Դրան կից բացվում է Տաթևի մանրակրթության դպրոցը։ Ուշ միջնադարում եւ նոր ժամանակներում Տաթևի պարսպապատ վանքը ու

նրան կից նորաբաց Տաթևի անապատը ունեցել են կարեւոր ռազմավարական նշանակություն։ 1722-30 թվականներին Տաթևը եղել է Մյունիքի ազատագրական պայքարի, 1919-21 թվականներին Չանգեզուրի ինքնապաշտպանության կարեւոր օջախներից մեկը։

1931 թվականին տեղի ունեցած երկրաշարժի հետեւանքով եկեղեցական համալիրը գրեթե ամբողջությամբ ավերվել է, գետնին է հավասարվել Տաթևի համալսարանը, հողով ծածկվել վանքի մուտքը։ 1974-1998 թվականներին վանական համալիրի մեծ մասը վերականգնվել է. կիսակառույց են շարունակում մնալ զանգակատունը եւ հարակից մի քանի կառույցներ, այդ թվում պարիսպների մի մասը։

Տաթևի վանքի ամլան հետ կապված կա երկու տարբերակ։ Դրանցից մեկի համաձայն, «Տաթև» անունը ծագում է հայերեն «տա թեւ» արտահայտությունից։ Երկրորդ տարբերակի համաձայն վանքը կոչվել է Թադեոս առաքյալի աշակերտ Եվստաթեսի անունով։ Նա այս վայրերում տանջամահ է եղել, իսկ 4-րդ դարում իր գերեզմանի վրա կառուցվել է եկեղեցի, որն օծել է սուրբ Գրիգոր Լուսավորիչը։ Բերդի պարիսպների ետեւում պահպանվել են եկեղեցու ավերակները, որոնք հեռու չեն Տաթևի վանքից։

Տաթևի վանքը վերստին հզորացել է, երբ 1286 թվականին Կիլիկիայում Կոստանդին Բ Կատուկեցի կաթողիկոսը Ստեփանոս արքեպիսկոպոս Օրբելյանին օծել է Մյունյաց աթոռի մետրոպոլիտ եւ հայոց նախաթոռ եպիսկոպոս։ Նա միավորել է Մյունյաց տարանջատված եպիսկոպոսարանները, մեկնել Մոնղոլիա՝ Արղունխանի մոտ եւ հաստատել Տաթևի վանքի գերագահությունը Մյունիքի բոլոր թեմերի նկատմամբ։ 1295 թվականին Ստեփանոս արքեպիսկոպոս Օրբելյանը հիմնովին վերակառուցել է երկրաշարժից ավերված սուրբ Գրիգոր Լուսավորիչ եկեղեցին եւ Տաթևի վանքին նվիրել սեփական Արիտ գյուղը, 1297 թվականին վանքում ավարտել է «Պատմութիւն նահանգին Սիսական» աշխատությունը։

Ավելորդ չէ հիշեցնել, որ այս գրքում չափազանց կարեւոր ու ճշգրիտ տեղեկություններ են պահպանվել Գեղարքունիք աշխարհի բազմաթիվ բնակավայրերի, տեղանունների, իշխանների ու հոգեւորականների, պատմական իրադարձությունների, վանական համալիրների մասին։

14-րդ դարում Տաթևի վանքը գիտամշակութային վերելք է ապրել։ Այստեղ են հավաքվել ժամանակի աչքի ընկնող աստվածաբաններ, փիլիսոփաներ, աստղագետներ, տրամաբաններ, երաժիշտներ, նկարիչներ։ Կրոնավորների թիվը գնալով մեծացել է՝ հասել մոտ 1000-ի։ Վերակառուցվել է վանական կրթարանը, 895 թվականին հիմնված վարդապետարանը դարձել է համահայկական մշակութային կենտրոն, հիմք է դրվել նոր, բարձր տիպի դպրոցի՝ Տաթևի համալսարանի։ Վանքին կից 10-րդ դարում գործել է Տաթև-



ի մատենադարանը, որը համալսարանի գոյության տարիներին հարստացել է եւ գոյատևել մինչեւ 1911-12 թվականները, իսկ ավերից ու ավարառություններից փրկված 140 ձեռագիր մատյաններ տեղափոխվել են Էջմիածին, ապա Երեւանի Մատենադարան։

13-14-րդ դարերում Տաթևի վանքի եպիսկոպոսությունն ուներ 677 հարկատու գյուղեր՝ իր թեմում գտնվող 14 գավառներում (Օղուկ, Եվայախ, Վալոն ձոր, Գեղարքունի, Սոթք, Աղահեճ, Հաբանդ, Բաղք, Քաշունիք, Կովսական, Արեւիք, Չորք, Երնջակ, Ճահուկ), բազմաթիվ վանքեր։ 14-րդ դարում Հովհան Որոտնեցին Տաթևի վանքի գավթի վրա կառուցել է կամարակապ, երկհարկանի զանգակատուն։ 1381-87 թվականներին Լենկթեմուրի՝ Սյունիք կատարած արշավանքի ժամանակ վանքը կողոպտվել է, հրկիզվել, կորցրել կալվածքների մեծ մասը։ Տաթևի վանքը վերստին բարգավաճել է ուշ միջնադարում 17-18-րդ դարերում, երբ իշխանական ու հոգեւորական դասի հզորացումը խթանում է հայկական կարեւոր կենտրոնների բարգավաճումը։ Ավելի ուշ ազատագրական պայքար է սկսվում Մյունիքում (1722-1730) եւ Արցախում (1724-1731)։ Եվ անառարկելի է, որ այդ պայքարը մտահղացվել ու կառավարվել է հենց Տաթևի վանքում, նրա հոգեւորական դասի կողմից, որը նաեւ ցանկացած պահի դառնում էր ռազմական դաս։

Աբրահամ Աստապատեցին 18-րդ դարի երկրորդ քառորդին Տաթևի վանքում դպրոց է բացել, որը գործել է մինչեւ 20-րդ դարը, համալիրի հյուսիսարևելյան կողմում կառուցել 16 դասասենյակով դպրոցի շենք։ Հովակիմ արքեպիսկոպոսը 1787 թվականին տաճարի հարավային մուտքի առջև կառուցել է Գրիգոր Տաթևացու դամբարանը, հյուսիսային պարսպի բուրգերը, բնակելի սենյակներ, ձիթհանքի շենք եւ այլն։

Ս. Պողոս-Պետրոս տաճարը ճարտարապետական հորինվածքով արելունուտից արելեք ձգված ուղղանկյուն դահլիճ է, արելեքում արսիդով եւ նրան հարող զույգ ավանդատներով։ Արելեյան ճակատը մասնատված է խոր խորշերով, որոնցից վերեւ տեղավորված են Աշոտ Մյունի գահերեց իշխանի եւ նրա կնոջ իշխանուհի Շուշանի դիմաքանդակները։ Նրանցից աջ եւ ձախ, խորշերի պսակների մեջ վիշապ օձերի, այլ ավանդական պահպանիչ էակների քանդակներ են։ Տաճարի պատերը 930 թվականին ծածկվել են հարուստ որմնանկարներով, որոնցից այժմ քիչ բան է պահպանվել։ Տաճարի գլխավոր արսիդում պատկերված է եղել գահի վրա նստած Քրիստոսը, ավելի ցած՝ առաքյալներ եւ սրբեր։ Արելնտյան պատի վրա մնացել են ահեղ դատաստանի մեծ կոմպոզիցիայի մնացորդները, իսկ հյուսիսային պատին ծննդյան սյուժեի հետ առնչվող տեսարաններ։ Այստեղ պահպանվել է 10-րդ դարի որմնանկարչական ամբողջական հարդարանքը, որը պատկերացում է տալիս վաղմիջնադարյան հայ եկեղեցական նկարազարդման համակարգի մասին։ Պատկերներն արվել են ֆրեսկո տեխնիկայով, հայկական որմնանկարչությանը հատուկ 3-4 միլիմետր հաստության սվաղի վրա՝ տեղական բնական հանքաներկերով, մասնավորապես՝ լաջվարով։ Խորանի կոմքում պատկերված է եղել «Քրիստոսը Փառքի մեջ» տեսարանը։ Կոր պատի վրա, երեք ճախշերիցված շարքերով, կամարների ներքո ներկայացված են մարգարեները, առաքյալները եւ Հայ եկեղեցու հայրերը՝ սրածայր խույրերը գլխներին։

Տաթևի վանական համալիրը եղել է ոչ միայն հոգեւոր, այլեւ կրթամշակութային խոշոր կենտրոն։ Ձաքարյան իշխանապետության տարիներին հիմնադրվել էր հայ իրականության մեջ առաջին բարձրագույն դպրոցը՝ Գլաձորի համալսարանը։ Մինչ այդ գոյություն էր ունեցել Անիի վարդապետարանը։ Գլաձորի սաները 14-րդ դարի վերջում տեղափոխվում են Տաթև, որտեղ հիմնում են նոր համալսարան։ Այն գործել է 1373-1435 թվականներին ու մեծ համբավ ունեցել Հովհան Որոտնեցու եւ Գրիգոր Տաթևացու ուսուցչապետության տարիներին։

/Հարունակությունը՝ էջ 6-ում/



ԳԵՂԱՄԱ 6

խնամքը էջ 5-ում

Տաթևի համալսարանը հովանավորել են Օրբելյան իշխանական տունը և Սյունյաց մետրոպոլիտությունը: Ունեցել է երեք լսարան ուսումնարան սուրբ, ներքին և արտաքին գրոց, գրչության արվեստի, երաժշտության: Այստեղ դասավանդվել է փիլիսոփայություն, կրոն, հայոց լեզու և քերականություն, գրականություն, պատմություն, ճարտասանություն, գրչարվեստ, մանրանկարչություն և գեղանկար, բնագիտություն և աստղաբաշխություն, մաթեմատիկա, ճարտարապետություն, երաժշտություն և երգեցողություն, ուսուցչություն և հասարակական գիտություններ, այլ առարկաներ:

Համալսարանն ունեցել է հարուստ ձեռագրատուն-մատենադարան, որտեղ պահպանվել են 10 հազարից ավելի ձեռագիր գրքեր: Ուսումը, ինչպես և Գլածորի համալսարանում, տևել է 7-8 տարի:

Գրիգոր Տաթևացին կատարելագործել է համալսարանի ծրագիրը, կազմել դասագրքեր, որոնք եղել են նաեւ քաղաքային արվեստի, աստվածաբանության և Հայ եկեղեցու դավանության լավագույն ձեռնարկներ: Գրիգոր Տաթևացու գործունեությունը նպաստել է Գրչության արվեստի զարգացմանը: Նա վարել է գրչության տեսական դասընթաց և անցկացրել գործնական պարապմունքներ: Նա պատրաստել է մոտ 60 գրիչ: Համալսարանի սաներից են Թովմա Մեծոփեցին, Առաքել Սյունեցին, Գրիգոր Արարատեցին, Սարգիս Սալմապատեցին, Բարսեղ Բաղիշեցին, Մատթեոս Ջուղայեցին, Հակոբ Անձղնապատեցին, Սիմեոն Եղվարդեցին, Մկրտիչ Նահապետենցը և այլ նշանավոր դեմքեր:

Տաթևի համալսարանին կից գործել է մանրանկարչության դպրոցը, որտեղ նկարագրողում էին դասագրքեր և ստեղծում նորերը: Այն շարունակում էր Գլածորի դպրոցի ավանդույթները և հասակակից էր Վասպուրականի ու Կիլիկյան Հայաստանի դպրոցներին:

Սուրբ Պողոս-Պետրոս տաճարի հարավային պատին կից, 1043 թվականին կառուցվել է կամարակապ սրահ, որը բանդվել է 1931 թվականի երկրաշարժից: 1087 թվականին համալիրի պաշտպանական համակարգի հյուսիս-սարենտյան անկյունում, մուտքի և դամբարանի ծածկերի վրա, իբրեւ երկրորդ հարկ կառուցվել է սուրբ Աստվածածին եկեղեցին: 1295 թվականին, երկրաշարժից կործանված սուրբ Գրի-

ՏԱԹԵՎԻ ՀԶՈՐԱԶՈՐ ՈՒ ԱՌԱՄՊԵԼԱԿԱՆ ՎԱՆՔԸ



գոր եկեղեցու տեղում Սյունյաց մետրոպոլիտ, նշանավոր պատմիչ Ստեփանոս Օրբելյանը մի եկեղեցի է կառուցել, դարձյալ սուրբ Գրիգոր անվամբ, որի ճարտարապետը, ենթադրաբար, եղել է Մովսիսը:

Ուշ միջնադարում մեծ տաճարի արեւմտյան կողմում կառուցվել է գավիթ, տանիքի վրա՝ զանգակատուն: Տաճարի հարավային մուտքի առջև 1787 թվականին կառուցվել է Գրիգոր Տաթևացու դամբարանը, իսկ 19-րդ դարի վերջին ու 20-րդ դարի սկզբին տաճարի արեւմտյան մուտքի առջև մի զանգակատուն:

Այս հիմնական կառույցներից գատ, բակի կենտրոնում, 904 թվականին կառուցվել է ճոճվող հուշասյունը կամ Գալագանը՝ միակ կառույցը, որը բազմաթիվ երկրաշարժներից պահպանվել է անխաթար: Այն ունի ութ մետր բարձրություն, որի ութանկյուն սյան գագաթին դրված է հայկական խաչ - խաչքար և նվիրված է Սուրբ Երրորդությանը: ճոճվող հուշասյունը կառուցվել է լծակի վրա հիմնված հատուկ տեխնիկայով, որը թույլ է տալիս, որ սյունը ճոճվի ցնցումների ժամանակ և այնուհետ կրկին վերադառնա իր սկզբնական դիրքին: Սյունը նախագծվել է այնպես, որ ճոճվելու միջոցով ծառայի որպես տագնապի նախազգուշացման համակարգ՝ վանականներին զգուշացնելով զավթիչ բանակների մոտեցման վտանգի մասին:

14-րդ դարում հիմնական կառույցների հարավային, արեւմտյան և հյուսի-

սային կողմե-

րում կառուցվել են պարիսպները, բնակելի, օժանդակ և տնտեսական մի շարք շենքեր: 18-րդ դարում շինարարական աշխատանքների արդյունք են առաջնորդարանը, վանականների խցերը, շտեմարանը, սեղանատունը, խոհանոցը, հացատունը, գինեւոցը, այլ կառույցներ:

Տաթևի վանքի մասին հիշատակում է 18-րդ դարի վերջին: Այն բաղկացած է չորս արտադրասենյակից, որոնց թվում են գնեթածածկ կալատունը՝ բովման վառարանով ու թաղածածկ մանվան բաժինը: Տաթևի ձիթհանը Հայաստանի միջնադարյան նույնատիպ կառույցներից ամենալավ պահպանվածն է ու արժեքավորը: Ձիթհանից արելելք, ձորալանջի եզրին, 17-րդ դարում կառուցված վանքի բաղնիքի երեք մասից բաղկացած թաղածածկ շենքն է:

Որոտանի ձորում գտնվում է Տաթևի անապատը, որն ուշ միջնադարի արժեքավոր համալիրներից է: Այն ռազմական նշանակություն է ունեցել 18-րդ դարում՝ Դավիթ Բեկի կազմակերպած ազատագրական պայքարի ժամանակ: Տաթևի վանքի զանգակատան ձայնը լս-


վել է 50 կիլոմետր շառավղով:

Պարսպից դուրս՝ արեւմտյան կողմում, 2001 թվականին կանգնեցվել է Գարեգին Նժդեհի կիսանդրին՝ ի հիշատակ այն պատմական իրադարձության, որ Տաթևը 1919-1921 թվականներին եղել է Լեռնահայաստանի կառավարության նստավայրը:

Տաթևի վանքից արեւմուտք, Որոտանի վտակի վրա, դեպի Տանձատափ տանող ճանապարհին կանգուն է միաթիչ, 7,2 մետր երկարության, գանձեւ թաղով կամուրջը, որը, ըստ արեւմտյան ճակատի արձանագրության, կառուցվել է 1672 թվականին: Գյուղի հարավային եզրին աղբյուրի շենքն է, որը կառուցել է Հովհաննես վարդապետը 1745 թվականին: Տաթև գյուղի կենտրոնական մասում կանգուն է սուրբ Մինաս եկեղեցին, որը կառուցել է Ներսես վարդապետը, 1646 թվականին:

Այսօր էլ Տաթևը վեհորեն կանգնած է հայ ժողովրդի նեւթ ու դարավոր ոսկիների, նորոյա նվաճողների շարձապատկերներին դեմ հանդիման որպես հայկականության խոսուն վկա ու անպարտելի առասպելական հերոս: Նրա սրբազան շունչը մենք զգում ենք մեր սրտերում՝ բռնկվելով ոգեղեն հզոր ալիքով: Ու այդ ոգեղնությամբ էլ Տաթևից ուղղությամբ ենք վերցնում դեպի հուստուտի լեռան զագաթ, դեպի Սյունյաց արձիվների անառիկ բույն, դեպի Գարեգին Նժդեհի սրբացած շիրին:

Խոսրով Խլդարյան



ԳԱՎԱՌԻ ՊԵՏԱԿԱՆ ՀԱՄԱԼՍԱՐԱՆԸ ԿՅԱՆՔ Է ՃԱՆԱՊԱՐՀԵԼ ԻՐ 28-ՐԴ ԾՐՋԱՆԱՎԱՐՏՆԵՐԻՆ



ՀՀ Սահմանադրության օրվա տոնակատարության օրը Գավառի պետական համալսարանում կայացել է 2024-2025 ուսումնական տարվա շրջանավարտների դիպլոմների շնորհման հանդիսավոր արարողությունը:

Համալսարանը, իր առաքելությանը հավատարիմ, ճանապարհել է շրջանավարտների 28-րդ սերնդին:

ԳՊՀ ռեկտոր Ռուզաննա Հակոբյանը ողջունել է շնորհավորել է բակալավրիատի և մագիստրատուրայի շրջանավարտներին, շնորհակալություն հայտնել նրանց ծնողներին, ընտանիքների անդամներին, ԳՊՀ բոլոր բարերարներին, համալսարանի ողջ աշխատակազմին և նշել, որ եւս 188 երիտասարդ մասնագետ համալրել են համալսարանի ութ հազարից ավելի շրջանավարտների բանակը, ովքեր իրենց ներդրումն են ունենում մեր հասարակության և պետության զարգացման գործում:

Շրջանավարտներին դիպլոմներ են շնորհել և բարենաղթանքներ հղել ԳՊՀ պրոռեկտոր Նելլի Կուտուզյանը, ֆակուլտետների դեկաններ Թաթև Ստրյանը, Մարտին Ավագյանը, ամբիոնների վարիչներ Համլետ Դաջոյանը, Սամվել Ամիրխանյանը, Հակոբ Դուլոյանը, Գայանե Միրիքյանը, Վարադգատ Ավետիսյանը, «Համակարգչային ճարտարագիտություն» մասնագիտության ամփոփիչ ատեստավորման հանձնաժողովի նախագահ Գեղամ Կարոյանը:

Շրջանավարտներին իրենց գեղեցիկ կատարումներով շնորհավորել են Գավառի Հայրապետ խաչատրյանի անվան արվեստի դպրոցի երգի ուսուցիչ, Երեւանի Կոմիտասի անվան պետական կոնսերվատորիայի շրջանավարտ Գրիգոր Բալագոյանը, մոլյն դպրոցի դաշնամուրային բաժնի շրջանավարտ Սամվել Գասպարյանը, Գավառի Հեռուստատեսության անվան երաժշտական դպրոցի սան Սամվել Խաչատրյանը, ինչպես նաեւ Մարտունու Ներքին Գետաշեն համայնքի «Անի» պարային համույթի շնորհալի սաները, որոնց գեղարվեստական ղեկավարն է ԳՊՀ հեռակա բաժնի 2025 թվականի շրջանավարտ Անի Իսոյանը:

Դիպլոմների շնորհումն ուղեկցվել է ոգեշնչող ուղերձներով և շրջանավարտների հաջողության հուզիչ պատմություններով:

«Գեղամա աշխարհ»

ՄԵԿՆԱՐԿԵԼ Է ՄԵՎԱՆԻ ԿՈՂԱԿԻ ԱՐՀԵՍՏԱԿԱՆ ՎԵՐԱՐՏԱՐՈՒԹՅԱՆ ՓՈՐՋԱԿԱՆ ՓՈԽԸ

Սեւանա լճի էկոհամակարգի կենսաբազմազանության պահպանման շրջանակում Շրջակա միջավայրի նախարարության և «Սեւանի իշխանի պաշարների վերականգնման և ձկնաբուծության զարգացման հիմնադրամի» համագործակցությամբ մեկնարկել է Սեւանի կողակի արհեստական վերարտադրության փորձնական փուլը:

Ինչպես տեղեկացրեց Գեղարքունիքի մարզի կարճադյուր գյուղում գործող Սեւանի իշխանի մանրածկան գործարանի տնօրեն Տիգրան Վարդանյանը, գործարանի ինկուբացիոն տեղամասում արդեն մոնտաժվել է կողակի վերարտադրման համար նախատեսված ժամանակակից ինկուբատոր, որը ձեռք է բերվել տարեսկզբին:

Ներկայումս իրականացվում են ծնողական կազմի տեսակավորման աշխատանքներ՝ առանձնացնելով վերարտադրության պատրաստ առանձնյակներին:

Այժմ Սեւանի կողակի արհեստական վերարտադրության մեր գործողությունները գտնվում են փորձնական փուլում: Այն պահանջում է որոշակի ջանքեր ու ժամանակ, մինչև որ կկարողանանք Սեւանա լիճ բաց թողնելու նպատակով արհեստական եղանակով ստա-

նալ մանրածկան առաջին խմբաքանակները: Մեր հաշվարկներով դա տեղի կունենա 2027 թվականի ընթացքում, այն հաշվով, որ այդ ժամանակահատվածում արդեն մեր ջարավազաններում Սեւանի կողակի մանրածկան թաշը կկարողանանք հասցնել մինչև 3-4 գրամի, որպեսզի նրանք կենսունակ լինեն հետագա աճի ու զարգացման համար: Այս պահի դրությամբ արդեն ունենք շուրջ 2 հազար մայրական կազմի Սեւանի կողակ, սակայն շարունակում ենք համալրումները: Սեւանի կողակի արհեստական վերարտադրության ապահովման պարագայում համարժեք ու անհրաժեշտ քայլեր կձեռնարկվեն նաեւ բնական վերարտադրության համար, որի դեպքում հարկ կլինի ապահովել Սեւան թափվող մի շարք գետերի մաքրությունն ու մշտադիտությունը,- ներկայացրեց Տիգրան Վարդանյանը:





ՎԱՐԴԵՆԻՍԻ ՀԵՐՈՍ ՀԱՅՈՐԴԻ ԳԱՐԻԿ ԲԱԴԵՅԱՆԸ

-Սովորում էի Վարդենիսի ինստիտուտում: Գարիկն ինձ տեսել էր, հավանել: Երկու տարի շփվելուց հետո 2015 թվականի հոկտեմբերին նշանադրվեցինք: Նույն թվականի նոյեմբերի 30-ին մեր հարսանիքն էր,- «Փաստ» օրաթերթի հետ զրույցում ասում է Շուշանը՝ Գարիկի կինը:

Ամուսնու մասին խոսելիս Շուշանը շեշտում է նրա հավատարմությունը, չափից դուրս անկեղծությունը բոլորի հետ:

-Չէր սիրում մարդու հետեւից խոսել, բաժնասել: Միշտ ասում էր՝ մարդուն բան ունես ասելու, հենց իրեն ասա, որ նա էլ իր սխալը հասկանա: Նվիրվում էր մարդուն իր ամբողջ սրտով ու հոգով՝ թե՛ ընկերներին, թե՛ ընտանիքին, թե՛ հարազատներին: Եթե զիջերվա կեսին էլ իրեն զանգահարեին ու ասեին, որ ինչ-որ խնդիր ունեն, նա ոչինչ հաշվի չէր առնի, միանգամից կշտապեր օգնության: Շրջապատում իր կարծիքը լսում էին, հաշվի առնում, նա երբեք ոչ մեկին վատ խորհուրդ չէր տալիս, իր հնարավորության սահմաններում բոլորին օգնում էր: Հոգատար, հավատարիմ ամուսին էր: Իր հետ յուրաքանչյուր վայրկյանը սիրո ու ջերմության մեջ եմ ապրել: Գարիկը փոքր էր եղել, երբ իր հայրիկը մահացել էր, եւ նա կարծես իր ներսում կուտակված ողջ ջերմությունը փոխանցում էր մեր երեխաներին: Ժամերով կարող էր խաղալ երեխաների հետ: Նրանք գիտեին՝ պապան տուն եկավ, հիմա հաց կուտի եւ իրենց հետ կխաղա: Եվ նա անընդհատ երեխաների հետ ժամանակ էր անցկացնում: Երբեք չէր բղավում, բարկանում նրանց վրա, միշտ ասում էր՝ ես երեխաների հետ խաղալով, շփվելով հանգստանում եմ: Երեխաները մինչեւ հիմա էլ այդ հիշողություններով են ապրում, - շարունակում է Շուշանը:

Շուշանը եւ Գարիկը երեք երեխա ունեն՝ երկու աղջիկ եւ տղա:

-Երազում էր, որ մեր երրորդ երեխան տղա լինի, ինքն էլ նրան Գոռիկ անվանակոչի. «Որ մեր անունները նման լինեն Գարիկ ու Գոռիկ»: Բայց հետո մտափոխվել էր ուզում եմ աղջիկ ունենալ: Եվ երբ ինքզնիքս, որ աղջիկ եմ ունենալու, շատ ուրախացավ: Միանգամից որոշեց մեր աղջկա անունը՝ Արեւ. «Իր անունը կդնեն Արեւ, ու ինքն իմ արեւը կդառնա»: Բայց, ցավոք, իր Արեւի հետ շփումը Գարիկն ընդամենը երկու ամիս վայելեց:

Գարիկը ծնունդով Վարդենիսից է: Դպրոցն ավարտելուց հետո սովորել է Վիկտոր Համբարձումյանի անվան պետական ինստիտուտում, այնուհետեւ զորակոչվել է պարտադիր զինվորական ծառայության: Ձորացրվելուց հետո մի քանի տարի աշխատել է Վարդենիսի երկրորդ բանակային կորպուսում, գործուղվումներով հաճախ եղել է Արցախի եւ Հայաստանի տարբեր անկյուններում: Շուշանն ասում էր՝ պետք է անձամբ ստուգել թնդանդները, որ հետո սկսվեին զորավարություններ: Իրեն ճանաչում էին որպես «ռեմոնտի Գարո»:

Կնոջ խոսքով, դեռ տարիներ առաջ իրենց տարածաշրջանում մրցույթ կազմակերպվեց՝ հասկանալու համար, թե ով կարող է իրանոթի լավ ղեկավար դառնալ:

-Արցախի եւ Հայաստանի մասշտաբով Գարիկն առաջին տեղը զբաղեցրեց: Նա անցավ Քառօրյա եւ 44-օրյա պատերազմների միջով: 44-օրյա պատերազմից հետո հատկապես ձգտում էր դիրքերում ծառայել: Միշտ ասում էր՝ յուրաքանչյուր հայի պարտքը պետք է լինի դիրքում ծառայելը, մեր ժամկետային զինծառայողների կողքին լինելը: Բայց իրեն չէին ցանկանում աշխատանքից ազատել, որովհետեւ իր նման մասնագետի կարիքը միշտ կար: Շատ ծանր տարավ Քարվաճառի հանձնումը: Իմ ամուսնու աջակցությամբ արցունքներ չեմ տեսել, բայց Քարվաճառի հանձնման լուրը լսելու ժամանակ նստած տեղը լուռ արտասվեց: Չէր կարողանում մոռանալ այն տղաներին, որոնք պայքարել էին, ցավոք, նաեւ զոհվել այդ հողի համար: Ասում էր՝ այդ հողերը չպետք է տալին: Դրանից հետո նա վերջնականապես որոշեց, որ պետք է ծառայի դիրքերում: Իրեն միշտ խնդրել եմ տանը մոտ ծառայել, երեխաները շատ էին կարոտում, հատկապես տղաս: Նա այդ ժամանակ չորս տարեկան էր, մատների վրա հաշվում էր, թե պապան քանի օրից է գալու: Գարիկը մշտապես մերժել է կնոջ այդ խնդրանքը՝ ես պետք է դիրքերում մնամ իմ ընտանիքի կողքին: Ասում էր՝ առաջինը տղաներն են, որովհետեւ եթե իրենք չլինեն, Վարդենիսում ոչ մեկ չի լինի: Երբ դիրքերում էր, ամիսներ սպասում էր տուն վերադառնալուն, կարոտում էր երեխաներին, իսկ երբ տան էր լինում, սպասում էր, թե երբ է դիրքեր բարձրանալու: Նեղանում էի իրենից, բայց նա ասում էր՝ երեխաներն այնտեղ կանգնած են, առաջնային տունը դա է:

Գարիկը եւս մեկ պատերազմ պետք է տեսներ, դրա անմիջական մասնակիցը դառնար: 2022 թվականի սեպտեմբերի



12-ի լույս 13-ի զիջերը թշնամին հարձակվեց Հայաստանի սահմանների վրա մի քանի ուղղությամբ: Թիրախում էր նաեւ Գեղարքունիքի մարզը:

-Սեպտեմբերի 12-ին իրեն զանգեցի, չգիտեմ՝ ինչու, անկախ ինձանից, իրեն հարցրեցի՝ բայց զալու ես, չէ՞, տուն: Օգոստոսին այդ դիրքերում կրկին անհանգիստ էր եղել, Գարիկը եւ նրա ծառայակից ընկերները համարյա մեկ ամիս տուն չեկան: Միշտ ներսումս Գարիկին կորցնելու վախ կար, որովհետեւ գիտեի՝ որքան վտանգավոր տեղ կա, Գարիկը կգնա: 44-օրյա պատերազմի իր զինակից ընկերներն էին պատմում Գարիկը մեզ թողնում ու գնում էր: Մի օր հետեւից զննցել եմ՝ հասկանալու համար, թե ուր է գնում: Տեսել եմ թաքուն մտնում է վտանգավոր հատվածները եւ հրամոթներն է կարգի բերում: Իմ հարցին պատասխանեց՝ անպայման կգամ, բայց երեխաներն ուղարկիր, հատկապես Արեւին: Հետո խնդրեց, որ հեռախոսը մեր մեծ աղջկան փոխանցեմ, հետը խոսի: Մի երկու ժամ Նարեկի հետ խոսեց: Քնեցինք առանց որեւէ բան կասկածելու: Այդ ժամանակ եղբայրս էլ էր զինվորական աշխատում, զիջերվա կեսին զանգահարեց՝ երեխաների հետ իջեք առաջին հարկ՝ «Հանկարծ չվախենաս, բայց ոնց որ կռիվ է սկսվում» ասելով: Միանգամից զանգեցի Գարիկին, բայց նա չպատասխանեց իմ զանգերին: Եղբորս հետ էր խոսել երեխաներին իջեցրու նկուղ: Վախանք հարցրել էր՝ Գար, ամեն ինչ նորմալ է թո մոտ: «Հա, սաղ տոչնի ա», -հնչել էր պատասխանը: Վերջին անգամ էլ եղբորս հետ է խոսել՝ «Վախան, երեխաներս քեզ եմ տալիս, նրանց տիրություն կանես: Հետո հեռախոսն անջատել է:



Տղաները ժամեր շարունակ մարտի մեջ են մտել թշնամու մեծաթիվ ուժերի դեմ: Առանց օգնություն ստանալու՝ հետ են շարտել թշնամու մեծաթիվ ուժերը:

-Իր հրամանատարական կազմը մեզ ասաց՝ վերջին՝ նահանգի հրամանին Գարիկը չի ենթարկվել: Երբ ասել են, որ թշնամին շրջապատում է դիրքը, Գարիկն արձագանքել է. «Փախչող տղա չկա, թույլ չեմ տա, որ թուրքն իր ոտքը դնի իմ հողի մեջ»: Դիրքում բոլոր տղաները գոհվել են: Գարիկը, լինելով ոտքից վիրավոր, միայնակ տարբեր հատվածներից կրակ է բացել թշնամու ուղղությամբ: Միայն 300 արկ բաց է թողնվել Գարիկենց դիրքի ուղղությամբ: Թշնամին մտածել է, որ այդտեղ մեծ թվով ուժեր են կենտրոնացած: Առավոտյան ութից տասը պակաս Գարիկը վերջին անգամ կապ է հաստատել՝ հրամանատարական կազմի հետ:

Գարիկն անմահացել է սեպտեմբերի 13-ին Արտանիշում:

-Հուլյաներս չէինք կտրում, որ ողջ է: Մեզ ասում էին, որ Գարիկն անտառում է, շուտով դուրս կգա, այդ հույսով էինք ապրում, չէինք ուզում հավատալ, որ նա չկա: Բայց գոհված տղաներին քիչ-քիչ գտնում էին: Գարիկին գտել ենք զոհվելուց 50 օր անց:

Շուշանն ասում է՝ մեծագույն ցավ է, որ ընտանիքներից շատերը չկարողացան անգամ վերջին հրաժեշտ տալ իրենց որդիներին: Գրեթե բոլորին տուն բերեցին փակ դագաղներով:

Ապրելու ուժի մասին:

-Իմ լույսն էլ, հույսն էլ երեխաներս են, իր Արեւը, որին նա ինձ տվեց, մեր անթիվ հիշողությունները, իր պատիվը, որը միշտ պետք է բարձր պահեմ ու իմ երեխաներին այնպես դաստիարակեմ, ինչպես ինքն էր ցանկանում ամենակարեւորը՝ որպես լավ մարդ: Ամեն ինչ անելիս միշտ ասում էր՝ եթե Աստված կամենա, ամեն ինչ լավ կլինի, աստվածավախ մարդ էր եւ ուզում էր, որ մեր երեխաներն էլ այդպիսին լինեն: Երեխաների հետ միշտ խոսում ենք հայրիկի մասին: Նրանց ասում եմ՝ հպարտացեք, որ այսպիսի հայրիկ ունեք: Իսկ ես էլ Աստծուն փառք եմ տալիս, որ հենց իր նման հոգատար, իմ ամեն օրը սիրով եւ երջանկությամբ լցրած ամուսին եմ ունեցել:

Լեյտենանտ Գարիկ Բադեյանը ծառայության ընթացքում պարգևատրվել է բազմաթիվ պատվոգրերով ու մեդալներով, հետմահու՝ «Արիություն» մեդալով: Հուղարկավորված է Վարդենիսի գերեզմանատանը:

ԼՈՒՍԻՆԵ ՍՈՒԲԵԼՅԱՆ
«Փաստ» օրաթերթ

ՄԵԿԵԱՐԿԵԼ ԵՆ ՄԱՅՐՈՒՂՈՒՑ ՁԻԼ ԳՅՈՒԴ ՄՏՆՈՂ ԿԵՆՏՐՈՆԱԿԱՆ ՀԱՆԱՊԱՐՀԻ ՀԻՄՆԱՆՈՐՈԳՄԱՆ ԱՇԽԱՏԱՆՔՆԵՐԸ



ՀՀ պետբյուջեի միջոցներով մեկնարկել եւ ընթանում են Գեղարքունիքի մարզի ճամբարակ համայնքի Ձիլ գյուղ մտնող կենտրոնական ճանապարհի հիմնանորոգման աշխատանքները:

Ինչպես տեղեկացրին Գեղարքունիքի մարզպետի աշխատակազմի քաղաքաշինության, հողաշինության եւ ենթակառուցվածքների կառավարման վարչությունից, Ձիլի կենտրոնական ճանապարհի հիմնանորոգման ծրագրի նախահաշվային արժեքը կազմել է 593 միլիոն 200 հազար դրամ, պայմանագրային արժեքը՝ 398 միլիոն 880 հազար դրամ:

Ծրագրով նախատեսված է ճանապարհի երթևեկելի մասի հիմքի, երկշերտ ասֆալտետոնյա ծածկի եւ կողնակների տեղադրում, ջրահեռացման համակարգի եւ սալիկապատ մայրերի կառուցում շուրջ 1200 քառակուսի մետր մակերեսով, կամրջի ամրացում: Հիմնանորոգվող ճանապարհի երկարությունը կազմում է 3100 մետր, մակերեսը՝ 21 հազար

400 քառակուսի մետր: Հիմնանորոգվող ճանապարհը Սեւան-Շողակաթ-Վարդենիս մայրուղուց հասնում է մինչեւ Ձիլի նորակառույց դպրոց, որը եւս կառուցվել է ՀՀ պետբյուջեից տրամադրված միջոցների հաշվին, ՀՀ կառավարության կողմից իրականացվող «300 դպրոց, 500 մանկապարտեզ» ծրագրի շրջանակներում եւ իր դռներն աշակերտների առջեւ բացել այս տարվա փետրվարից: Հիմնանորոգվող ճանապարհի շուրջ 1,6 կիլոմետրն անցնում է բնակավայրի ներսով:

Հիմնանորոգման աշխատանքների ավարտից հետո կիրականացվեն նաեւ ճանապարհի կահավորման ու գծանշման աշխատանքներ:

Շինարարական աշխատանքներն իրականացնում է «ՎՄՎ ԶՈՍԺՆԻ» ՍՊԸ-ն:

Ճանապարհը նախատեսվում է շահագործման հանձնել այս տարվա ընթացքում:

ԵՐԱՆՈՍՈՒՄ ԱՎԱՐՏԱԿԱՆ ՓՈԽԼՈՒՄ ԵՆ ԳՏԵՎՈՒՄ ՉՈՐՍ ՓՈՂՈՑՆԵՐԻ ՀԻՄՆԱՆՈՐՈԳՄԱՆ Ա ԱՇԽԱՏԱՆՔՆԵՐԸ

Գեղարքունիքի մարզի Մարտունի համայնքի Երանոս գյուղում արդեն ավարտական փուլում են գտնվում 5-րդ, 9-րդ, 21-րդ, 22-րդ փողոցների հիմնանորոգման աշխատանքները, որոնք իրականացվում են ՀՀ կառավարության կողմից 2024 թվականին իրականացվող սուբվենցիոն ծրագրերի շրջանակներում:

Ինչպես տեղեկացրեց Երանոսի վարչական ղեկավար Սաշա Բավեյանը, շինարարական աշխատանքների մեկնարկը տրվել է 2025 թվականի մայիսից: Ծրագրով նախատեսված է ճանապարհների երթևեկելի մասերի ասֆալտապատում եւ ջրահեռացման համակարգերի կառուցում:

2025 թվականի հուլիսի 1-ի դրությամբ արդեն ամբողջությամբ ասֆալտապատված են 21, 22, 5-րդ փողոցները, իսկ 9-րդ փողոցում աշխատանքները մոտենում են ավարտին: Փողոցներն ասֆալտապատվել են շուրջ 1920 մետր երկարությամբ եւ 9240

քառակուսի մետր մակերեսով:

Երանոսի փողոցների հիմնանորոգման ծրագրի պայմանագրային արժեքը կազմում է 116 միլիոն 652 հազար դրամ, որի 50 տոկոսը հատկացնում է ՀՀ կառավարությունը, 50 տոկոսը՝ Մարտունի համայնքապետարանը: Շինարարական աշխատանքներն իրականացնում է «Շանթ-Սեյրան» ՍՊԸ-ն:





Մեջեղու մասնաճյուղի Ֆարհան Է

Կույր էր, սեւ ակնոց կը կրեր միշտ:
Շիրակի ժողովուրդի սիրելի երգիչն էր:
Ամառ ու ձմեռ աշուղ Ֆարհատը Շիրակի դաշտը երկայնությամբ եւ լայնությամբ կը չափչփեր ոտքով՝ բռնած երիտասարդի մը թելեն, ուր կը հանգչեր իր ջութակը:
Գյուղ չկար, որ այցելած չըլլար «Ուսթա» Ֆարհատը. մեծեն փոքր կը ծանչնային ընտանի դարձած այդ աշուղին:
Երբ գյուղ մտնար, կը շրջապատեին զինքը ու կառաջնորդեին խոնարհ շինականի մը տուն, ուր պուխերիկին քովիլը ծալապատիկ նստած՝ իր պառաված խարխուլ ջութակը ձախ ծունկին հենարան դարձուցած՝ նախ նախերգանք մը հերոսական. ապա աղեղով կը զարներ լարերուն ու կերգեր: Լարերու ձայնը խառնիճաղանջ կը հնչեր, ի՞նչ հոգ. իր երգն էր, որ կը ներդաշնակեր գայն:
Կերգեր Ֆարհատը՝ իր հոգին դնելով եղանակներու մէջ, կերգեր խանդավառ ու մոլեգին մարգարեի մը հավատով: Ու երգին մէջ տողեր կային, ուր աշուղ Ֆարհատի ձայնը ավելի ուժգին կը հնչեր առանձին շեշտով մը:

Երբեմն կատակով հետը կիյնայի.
-Ֆարհատ, ինչու՞ երբեմն անտեղի կը պոռաս երգածդ ատեն:
-Անտեղի չէ, սիրելիս: Ատի անոր համար է, որ դուրս գլուխ մեր ժողովուրդի հոգին վառեն ու սրտին մէջ տեղավորեն ուզածս...
Աշուղ Ֆարհատը անվերջանալի նյութ ուներ՝ պատմելու ու երգելու:
-Իմ երգն ու պատմությունը ծեղ համար է, իսկ դուք իշու ականջի մէջ կը քնանաք...
Ֆարհատի ջութակը ավելի աշխուժ կը հնչեր, երբ կերգեր մանավանդ իր հորինած երգերը:
«Ոսկեգօծ պաշլոյներով լազի շորեր թանկագին, Գնուն էին դէպի Սասուն՝ օգնելու Անդրանիկին...»:
Կամ՝
«Իսլամներու գոռ վաշտերը ահագին...»:
«Սուլթանի գահը սարսեղակ Սերոբ փաշի ռումբեր են...»:
Բազմաթիվ էին անոր հեղինակած հեղափոխական եւ ազգային երգերը: Երգեր ուներ Սերոբին, Գետրոյ Զավուշին, Խանասորին, Պանք Օթոմանի մկրոված, եղանակներն ալ ինքը կը հարմարեցնէր:
-Ես խռըֆած սերունդի համար չէ, որ կերգեմ, կըսեր, ամենց «խաֆա»-ները Սասիսի փութ քար են դարձեր:
Աղքատ էր Ֆարհատը. նյութական մկր ալ ստանալու սովորություն չուներ, վարձկան չէր: Իր շրջագայության ատեն գյուղացիի պատառ մը հացով կը գոհանար: Քաղաք եղած ատեն հայկական սրճարաններ կերթար երբեմն, հարսանիքներու եւ մանավանդ հեղափոխական երեկույթներու, ուր փոր մը հաց ունենալը դժվար չէր: Այսպես տերվիշի մը պէս կապրեր կույր այդ աշուղը:
Հաճախ կուգար քովս: Տաք թեյի մը շուրջ կը սիրեր իր գաղափարները հայտնել աշխարհի չարն ու բարիի մասին:
...Ալեքսանդրապոլը 1897-1907 թիվերուն հեղափոխական մթնոլորտի, գործի եւ շարժումներու հնոց մըն էր:
Հոն կուգային ու հոնկէ կանցնէին գործիչներ, շրջիկներ եւ հայդուկային խմբեր՝ դէպի երկիր երթալու կամ անկէ վերադարձին: Աշուղ Ֆարհատը ներկա էր ամեն տեղ ընդունելություններուն եւ երեկույթներուն: Առանց անոր անգամ մը տեսնելու հեղափոխական

գործիչները, խմբապետները չէին հեռանալ քաղաքէն: Ստույգ մահվան դիմող այդ աներկյուղ եւ հանդուգ կորյունները մեկ-մեկ կուռքեր էին անոր համար:
«Ուսթա» Ֆարհատը օր մը ծրար մը բերավ խորհրդավոր ժպիտով եւ հանդիսավոր շարժումով դրավ սեղանին վրա:
Գրամեքենա մըն էր, զոր ինք էր հնարած: Կոպիտ եւ նախնական գործիք մը, որ սակայն կրնար գրել սեղմելով ուռուցիկ գիրերով ստեղծաշարի վրա:
Ինքը շատ խանդավառված էր իր գյուղով:
Վաղոյի պատվալը կը ժողովվէինք հաճախ՝ չանաղ ուտելու: Հոն կուգային երբեմն Ավետիք Իսահակյանը, Յակոբ Խաչվանյանը, Արամայիսը, Գրիգոր Վեհապետյանը, Մարտիրոսը: Ֆարհատը շատ կը սիրեր մեր այդ շրջանակը, կը շաղակրատեր եւ ախորժով կը լսեր:
Ավետիքի սրամիտ եւ երբեմն վրան բաց պատմությունները, կամ նոր լուրեր կը լսեինք սահման անցած գործիչներու կամ խումբերու մասին:
Աշուղ Ֆարհատը կը հետաքրքրվեր մանավանդ շոգեքարշ մեքենաներով: Անգամ մը խնդրեց, որ զինքը կայարան տանին:
Ֆարհատը, երկու թեւերը բացած, ձեռքերը լարած սկսավ շոշափել անիվներէն սկսած դէպի կաթսաները: Երբ կը վերադառնայինք, Ֆարհատը ինքն իրեն կը խոսեր ու կը քայլեր.
-Հը, Ֆարհատ, ի՞նչ տպավորություն ստացար:
-Ի՞նչ ասեն, պալամ, մարդ ասած արարածի պզտիկ գլխուն մէջ ինչքան հնարք կա, Աստված իմ, ինչպէ՞ս է, որ աստված մարդիկ բոլորն ալ գլուխներով է ստեղծեր, բայց խնդիր մեջինն է. մեկին դատարկ տակառ, մյուսն աղբ, երրորդին փթած կարտոֆիլ. ափսոս, որ մարդուն սիրտը փոքր է...
Չեմ գիտեր, երկար պարեցա՞մ արդոյդ մեր Ֆարհատը: Ու՛ր եւ ինչպէ՞ս մեռավ, ոչինչ չգիտեմ: Վերջին անգամ զինքը Ալեքսանդրապոլ տեսա, այն ատեն, երբ ես ալ երկիր կերթայի: Երկար իր գրկին մէջ պահեց ինձի: Իր կույր աչքերէն արցունքի կաթիկները դեմքս վար կը սահէին:
-Երթաս բարով, ազիզ ախպերս,- կրցավ ըսել միայն:
ԿՈՍՄ /Կահան Փափազյան/

ՀԻՄՆԱՆՈՐՈՎՈՒՄ Է ԳԱՎԱՌ ՔԱՂԱՔԻ ՊԵՏՐՈՎԻ ՓՈՂՈՅԸ

ԳԱՆՁԱԿՈՒՄ ՈՌՈԳՄԱՆ ԶՐԱՏԱՐ Է ԿԱՌՈՒՅՎՈՒՄ



Արդեն երկու շաբաթ է, ինչ ՀՀ կառավարության կողմից 2025 թվականին իրականացվող սուբվենցիոն ծրագրերի շրջանակներում սկսվել եւ ընթանում են Գավառ քաղաքի Պետրովի փողոցի հիմնանորոգման աշխատանքները:
Պետրովի փողոցի հիմնանորոգման ծրագրի պայմանագրային արժեքը կազմում է 229 միլիոն դրամ, որի 50 տոկոսը հատկացնում է ՀՀ կառավարությունը, 50

տոկոսը՝ Գավառի համայնքապետարանը:
Ծրագրով նախատեսվում է Պետրովի փողոցի երթելեկելի մասի ասֆալտապատում 1231 մետր երկարությամբ եւ 8538 քառակուսի մետր մակերեսով, մայթերի սալիկապատում 2119 քառակուսի մետր մակերեսով, 1374 գծամետր երկարությամբ մայթերի բազալտե եզրաքարերի, 320 գծամետր երկարության ջրահեռացման վաբերի տեղադրում, 325 գծամետր երկարության ջրահեռացման ներքին ցանցի եւ 156 գծամետր երկարության գաբիոնային հենապատի կառուցում:
Այս պահին ընթանում են ջրահեռացման վաբերի եւ մայթերի եզրաքարերի տեղադրման աշխատանքները: Կատարվել է նաեւ ճանապարհի երթելեկելի մասի հին ծածկի հեռացում:
Շինարարական աշխատանքներն իրականացնում է «Գավառի ճՀՀ» ԲԲԸ-ն:
Շինարարությունը նախատեսված է ավարտել այս տարվա ընթացքում:
Ավարդ Մանուկյան

Գեղարքունիքի մարզի Գավառ համայնքի Գանձակ գյուղում ՀՀ կառավարության կողմից 2025 թվականին իրականացվող սուբվենցիոն ծրագրերի շրջանակներում սկսվել եւ ընթանում են ընթացման ջրատարի կառուցման աշխատանքները:
Գանձակի ոռոգման ջրատարի կառուցման ծրագրի պայմանագրային արժեքը կազմում է 25 միլիոն դրամ, որի 75 տոկոսը հատկացնում է ՀՀ կառավարությունը, 25 տոկոսը՝ Գավառի համայնքապետարանը:
Ծրագրով նախատեսված է առաջնային ջրատարի կառուցում 2 կիլոմետր երկարությամբ, մետաղական խողովակներով:
Շինարարական աշխատանքները մեկնարկել են 2025 թվականի մայիսից եւ կավարտվեն այս տարվա ընթացքում:
Ծրագրի իրականացման արդյունքում Գանձակում ոռոգելի կդառնա 250 հեկտար տնամերձ հողամաս: Ծրագրից կօգտվեն շուրջ 200 տնտեսություն:
Ավարդ Մանուկյան



ՀԻՄՆԱՆՈՐՈՎԵԼ Է ԶՈՒԱՔԱՐԻ 5-ՐԴ ՓՈՂՈՅԸ

ԾԱՂԿԱՇԵՆ ԲՆԱԿԱՎԱՅՐՈՒՄ ԲԱԶՄԱՖՈՒՆԿՑԻՈՆԱԼ ՇԻՆՈՒԹՅՈՒՆ Է ԿԱՌՈՒՅՎՈՒՄ



համայնքապետարանի աշխատակազմից, Զուլաքարի 5-րդ փողոցի հիմնանորոգման ծրագրի պայմանագրային արժեքը կազմում է 35 միլիոն 175 հազար դրամ, որի 50 տոկոսը հատկացնում է ՀՀ կառավարությունը, 50 տոկոսը՝ Մարտունու համայնքապետարանը:
Ծրագրով նախատեսված է Զուլաքար գյուղի 5-րդ փողոցի ասֆալտապատում 810 մետր երկարությամբ եւ 3618 քառակուսի մետր մակերեսով:
Շինարարական աշխատանքները մեկնարկել են 2025 թվականի հունիսի 20-ից եւ արդեն մոտենում են ավարտին:
Շինարարությունը իրականացրել է «Շանթ-Սեյրան» ՍՊԸ-ն:
Լրատվական գործունեություն իրականացնող «Գեղարքունիք» թերթի խմբագրություն» ՓԲԸ: Հասցեն՝ ք. Գավառ, Կենտրոնական հրապարակ 7
Էլ. հասցե՝ khosrov1@yandex.ru
Գլխավոր խմբագիր՝ Խոսրով Խլղաթյան
հեռ. բջջ. 094022692

Արդեն շուրջ մեկ ամիս է, ինչ Գեղարքունիքի մարզի Գավառ համայնքի Ծաղկաշեն գյուղում մեկնարկել են ընթացքի մէջ են գտնվում բազմաֆունկցիոնալ շենքի կառուցման աշխատանքները: Շենքը կառուցվում է Ծաղկաշենի նախկին գյուղապետարանի շենքի տարածքում:
Շինությունը լինելու է վարչական ղեկավարի նստավայր, ինչպես նաեւ ծառայելու է որպէս երեխաների եւ երիտասարդների ժամանցի կազմակերպման համար նախատեսված տարածք:
Բազմաֆունկցիոնալ շենքի կառուցման ծրագրի արժեքը կազմում է 200 միլիոն

դրամ, որը հատկացվում է Գավառ համայնքի բյուջեի միջոցներից:
Արդեն ավարտվել են հին շենքի քանդման աշխատանքները, ընթանում է նոր շենքի հիմքերի կառուցումը:
Ավարդ Մանուկյան

